



Адаврай бувтсса оьрму

Июльданул 21-ний Ваччав, бусравсса хьамалгу бавтун, Тарихрал ва краеведениеул музейрал чИрайн лархьунни ва музейрал директорну ивкIсса Кубачанов Камалуттиннул аьпа абад буллалисса мармарчарил ула.

14
лаж.



№30
(2196)

28 ИЮЛЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIсса 1917 ш.
Цунил итабакьлан бивкIсса 1991ш.

ПаччахIлугърал наградартту дуллунни



2 лаж.

Дагъусттанал Конституциялул кьини Дусшиврул кьатлуву хьунни дакI мариIну, хьхьичIунну захIмат бихьлахьисса дагъусттанлувтуран паччахIлугърал наградартту дуллалисса шадлугъ. Наградартту дулла ия ДР-лул ХIукуматрал хьунама Абдулмуслим Абдулмуслимов.

Награда дуллунни жагьилтурал министрнангу



П. РАМАЗАНОВА

Дагъусттанал Конституциялул кьини ларайсса наградартту дуллуминнавах бия

паччахIлугърал кьуллугъчиталгу. Дагъусттанал БакIчи Сергей Меликовлул цIанияту наградартту дулла, ХIукуматрал председатель Абдулмуслим

Абдулмуслимовлул кIицI ларгуна ялун нанисса ник лайкьну тарбия даврил агьамшивугу. Жагьилтал патриот зумуну тарбия бавриву бутIа бишаврихлу АхIмад-Хан Султаннул цIанийсса медаль дулуна республикалул жагьилтурал иширтталсса буллалисса министр Камил Саидовлун.

ДакIнийн бутанну, Камил Саидов жагьилтурал министрну зий ушиву 2018 шиная шинай. 2013 шиная 2017 шинай ияннин ва зий уссия Республикалул ХIукуматрал Председательнал маслихIатчину. 2017 шинал августрай ва ивтссар жагьилтурал иширтталсса буллалисса министрнал хьиривчувну, хьирив шинал ноябрьданий цIакь увссар министрну. Дуллалимуниву тIайлабацIу баннав!

Дагъусттан — Fest фестивалъданий гьуртту хьунтIиссар «Илчигу»

Ялун нанисса бигьалагай гьантрай, июльданул 28-нния 30-ннин, МахIачкъалалив Пушкинул цIанийсса кIичИраву хьунтIиссар Дагъусттан-Fest цIанилусса Жагьилтурал фестиваль. Республикалий ва ккаллийссар хьинну агьамсса мероприятиелун. Фестивалъданул сакиншинна дурну дур «Дагъусттан» РГВК-рал ва Street Event компаниялул, МахIачкъалалал администрациялулгу чIарахбацIаврийну.

З. АБДУРАХИМАНОВА

Фестивалъданул лагрулий шанмагу гьантлий хьанантIиссар спортрал тIуркIурду ва личИлиссса бьст-ччалу, этникалул, сурат дишаврил, кьавтIавурттал ва синаарьшарая тIахIни-кIичIу дуллалисса мастер-классру.

Мастер-классру бантIиссар МахIачкъалаливсса цIа ларгсса рестораннаву зузисса повартуралгу. Мукунна хьунтIиссар

цIа ларгсса балайчитал ва кьавтIавурттал коллективру гьурттусса концертругу. ХIасил, тамашачитуран бизар хьунсса мутта кьабикIантIиссар!

Фестивалъданул кIилчин-мур кьини, июльданул 29-ний, медиазоналий жугу, «Илчилул» коллектив, хьунабакьинсса умудрай буру жула буккултрашал. Жулла ккуран хьун дан оьвтIий буру цинявпагу жула буккултрайн!

ПаччахӀлугърал наградартту дуллунни

→ Дайдихъу 1 лаж.

Зулайхат ТАХАКЪАЕВА

– Дагъусттан Республикалул БакӀчи Сергей Меликовлул цӀания ва ттула чулуха барча тӀий ура зухъ, циньявпагу дагъусттанлувтурахъ паччахӀлугърал яла агъаммур байран – Дагъусттан Республикалул Конституциялул кьини.

Дурусну 20 шинал хъхьичӀ цӀу дуккан дурсса гъанумур Закондалул тасттикъ бувссар жула мархри, тарихийсса аьдату, магъирлугъ ва маз ябаву цуксса агъамсса ххуттай дикӀан аьркинссарив, – увкуна Аьбдулмуслимовлул.

Ванал кӀицӀ лавгунни хъун хъанахъисса ник ватан ххирану тарбия даврил ххуллий ниттихъал ва учительтурал бихълахъисса захӀмат, республикалул агъалинал оьрму буручаврил ххуллий хӀакинтурал буллалисса захӀмат, хасъсса аьралий операциялий гьуртту хъанахъиминнал кулпатирттахъ жьматийсса ишк-каккултрал дуллалисса къулагъ-



ас, хӀакинту Аьрасатнал цӀусса территориярттай цала пишаллийн дакӀ тӀайлану зузисса учительтурал захӀмат.

Ларайсса паччахӀлугърал наградартту ларсминнавухъ бия тамансса лагъу.

КӀулшиву дулаврил ва хъун хъанахъисса ник ватан ххирану тарбия даврил ххуллий бивхъусса захӀматрахлу тарихрал учитель МахӀаммад Хъунбуттаевлул дул-

лунни Аьрасатнал Федерациялул Президетнал ХӀурматрал грамота. Награда дуллунни Педагогнал ва насихӀатчинал шинан хасну, хасъсса аьралий операциялий цалчин Аьрасатнал Виричувнал цӀанин лайкъ хъусса НурмахӀаммад ХӀажимахӀаммадовлул насихӀатчи ХӀисаврай. КӀицӀ бан багълай бур, МахӀаммад Хъунбуттаев ивкӀшиву Гъумучиял лицей

тӀитӀаврил бакӀшарашуй ва лицей зий бивкӀсса къурагу шинал лажиндарай ивкӀссар мунил ка-ялувчину.

Жагъилтал ватан ххирану тарбия бавриву бивхъусса захӀматрахлу АхӀмад-Хан Султаннул цӀанийсса медаль дуллунни ДР-лул жагъилтурал министр Камил Саидовлул.

«Дагъусттан Республикалул лайкъ хъусса учитель» тӀисса цӀа дуллунни хӀакинту Аьрасатнал цӀусса территориярттай зузисса 9 учительнан. Вайннавухъ ур Чапаево шяраваллил школулул тренер ва физкультуралул учитель Герман Муслимовгу. Тийх зий ванал хъуну дур дурусну шин. ЦӀусса дуккавил шин дайдишавривун дакӀний ур уттигу тихунай гъан.

Дагъусттан Республикалул БакӀчи Сергей Меликовлул цӀа чирчусса ссят дуллунни П. И. Чайковскийл цӀанийсса МахӀачкъала шагърулул 1-мур музыкалул школулул директор Саида Исмяилован. Саида ва школулул директорну зий хъуну дур 7 шин.

Дуниялул гъунттулу

ЦӀусса хаварду ца-кӀива ххуттайну

ЦИНЯВ МУСИЛ МЕДАЛЬЛУ – АБРАСАТНАЛ ДУКЛАКИ ОЪРЧӀАЛ

● Токиолий хъусса физикалул 53-мур олимпиадалий Аьрасатнал дуклаки оьрчӀал циньяв мусил медальлу ларсун дур. МайцӀалва билятраясса командартту гьуртту хъуну дур ва олимпиадалий. Аьрасатнал просвешениелул министр Сергей Кравцовлул баян бунни ва шалвагу билятран пахрулулнсса иш бушиву.

НИНССА РЕСТОРАН

● Анжагъ хъаннинсса ресторан зун бивкӀун бур Кабуллай. Агар ва ресторанлулун хъами ила бичирча, шалва билятрай ванил филиаллу тӀитӀин дакӀний бусса бур.

БАХШИШРАН – ДУЧРАЛ ИЛХЪИ

● Дубайрал эмир, шайх МухӀаммад бин Рашид Аль-Мактублул махъ булуну бур 8 шинавусса иракъ душ Ланья Фахирдун дучрал илхъи пишкаш дуван ва дучралсса буллалисса центр тӀитӀин. Шайхнан соцсетирдай бивкӀусса балчаннул ялун багъну къурчӀину аьтӀисса душнил видео ккаркун дур. Ва иширал асар биян бувсса МухӀаммад бин Рашидлул тапшур буну бур, душ льякъуну, ваничӀан дучрал илхъи диян дуван.

ЦӀУССА МАШИНАРТТУ МАШАН ЛАСУН

● Ва лавгсса июнь зуруй аьрасатлултурал 234 миллиард арцул харж буну бур цӀусса машинартту машин ласун. Укусна хӀасилла бувсунни «Автостатрал» аналитиктурал. Эксперттурал хъиривлавьурттайн буну, Аьрасатнаву машинарттал залухъруннавугъарца мукылчинманал ххюра шиная цал машина баххана байсса бур. Яла чӀявуну машина баххана бувайми бусса бур Ухссавнил Ккавказнаву: региондалул агъалинава 35% ххюра шиная цал цӀусса машина машин ласайсса бур.

ХӀадур бувссар Патимат РАМАЗАНОВАЛ

Дагъусттан Республикалул Конституциялул кьини МахӀачкъалалив кӀицӀ ларгунни хъуннасса концертрайну. Шадлугъ хъуна Дагъусттаннал паччахӀлугърал филармониялул площадкалий.

Бадрижамал АБЛИЕВА

Ваний гьуртту хъанахъиминнавухъ бия Дагъусттан Республикалул ХӀукуматрал председатель Аьбдулмуслим Аьбдулмуслимов, ванал хъиривчув Муслим Телякавов, республикалул сайки циньяв министерстварттал бакӀчитал ва м.п.

СахӀналия ккаккан дурна Ре-

Байрандалул концерт



спубликалул Конституцияляисса хъун дакъасса видеофильм. Мукунна ккаккан дурна Дагъусттан Республикалул БакӀчи Сергей Меликовлул видеообращение.

Концертралмур программа сакин дурну дия Дагъусттаннал халкъуннал шаэр Расул ХӀамзатовлул махъ буккан бувсса «Конституция горца» луттирайн буну – шивусса арулвагу статьярайн буну хӀадур дурну дия республикалул творчестволул коллективирттал цалла постановкартту.

Байрандалун хасъсса хъуннасса концерт шаллу хъуна Дагъусттаннал гимнрайну.

ХъхьичӀунминнан – паччахӀлугърал наградартту

Бадрижамал АБЛИЕВА

Ва тӀитӀлай, республикалул культуралул министр Зарема Буттаевал бавтӀми барча буну ялун нанисса байрандалушал, барчаллагъ увкуна аслийсса культура дуручавриву ва махъа нанисса никирттайн диян давриву буллалисса хъунмасса захӀматрахлу. ДакӀнийн бунтуна ва шинал чӀярусса шадлугъру хъанай душиву Расул ХӀамзатовлул 100 шинал юбилейрацӀун дархӀуну, кӀицӀ лавгуна ялун нанисса паччахӀлугърал байрандалулу дахӀаву душиву шаэрнал цӀанишал ва творчестволул ирсирашал.

– 1997-ку шинала шаэр МахӀачкъалалив Дуниялул халкъуннал дянивсса Соотечественниктурал конгрессрай сахӀналийн

Дагъусттаннал Конституциялул Кьинилул хъунин МахӀачкъалалив Дхъунни культуралул ва искусстволул хъхьичӀунсса пишакартуран паччахӀлугърал наградартту дуллалисса шадлугъ.



увкссия «Конституция Горца» цӀанилусса ихтилатрашал. Га чӀумал шаэр буслай ия цимирагу аьсрулул лахъишиврул таварих бусса рувхӀанийсса чикъарчу (неписаная) конституциялия, цийн бунугу Дагъусттаннал халкъ яла-

пар хъанан аьркинсса, – увкуна министрнал.

Ва кьини «За заслуги перед Республикой Дагестан» орден дуллуна магъирлугъ ва маданият хъхьичӀуннай давриву чӀалачӀи дурсса ккаккиртта-

лу ва чӀярусса шиннардий бивхъусса захӀматрахлу Т. Мурадовлул цӀанийсса Дагъусттаннал паччахӀлугърал филармониялул эстрадно-духовой оркестранул главный режиссер МахӀаммад Абакаровлул (ивкӀуну махъ). Орден дуллуна ванал шашар Аминат Абакаровахъхъун.

Дагъусттаннай ва ванил къатӀув цӀарду машгурсса артистгъуравасса Рашид Багатаевлул ва Зульфия Илиясован дуллуна «Дагъусттаннал халкъуннал артист» цӀа.

Гихуннайгу республикалул маданиятрал ва магъирлугърал личи-личисса ххулурдай хъхьичӀуннайшивуртту ккаккан дурминнан дуллуна Халкъуннал ва Республикалул бусравсса цӀарду, Дагъусттан Республикалул БакӀчинал Барчаллагъру ва цӀа кусса ссятру.

МахӀачкъалалив, Лениннул комсомолданул цӀанийсса паркраву Вирттарвал аллеялий хъунни «Жу – Аьрасатнал гражданталлу» тӀисса акция. Ва хас дурну дия Дагъусттаннал Конституциялул кьинилун. БавтӀиририв барча буну махъ, «Движение Первых» ккурундалул участниктуран паспортру буллуна.

«Аьрасатнал гражданталлу»

П. РАМАЗАНОВА

Шикку гьуртту хъуна кӀицӀ ларгсса ккурундалул Дагъусттаннаймур отделениелул ка-ялувчи Людмила Саидова, Республикалул ХӀукуматрал ва БакӀчинал администрация-


лул Жьматийсса проектирттал отделданул хъунама Шамил Аьлиев ва цаймигу бусравсса къуллугъчитал.

Мероприятие къуртал хъуна Росгвардиялул Аьралий оркестранул музыкалул программалийн.



Туризмалия, азардая ва Цумадавсса аьрххилия

Июльданул 24-ний Дагъусттаннал БакIчи Сергей Меликов-луд дунни агьамсса масъалартту ххал бигьлагьисса совещание. Гъаз бунни туризмалуд, диспансеризациялуд ва корьданул азар пив хъанайнна душиврул масъалартту.



Патимат РАМАЗАНОВА

Цалчинмур тема аьч дуллалласса докладраву туризмрал министр Эмин Мердановулуд бусунни гъашинусса дачIи шинал мутталий Дагъусттаннайн ившиву 745 азара инсан, вай вара чIумул мутталий ларгсса шинах бурувгун 10 процентрал ххишалласса хъанайшиву.

«Туризмрал дунияллий зузисса хъанай ур 11 азара инсан, 49 туроператор, 76 турагент ва

89 экскурсовод», – увкунни вана. ЧIяру хъуну дур Дагъусттанная Аьрасатнал регионнайнсса рейсругу, масалдаран, Ульяновск-МахIачкъала. Бусунни балжину «Дагъусттаннал бусаларду» тIисса агьамсса маршрутрая, ва ххюра машгьурсса программа цивун дагьлагьисса маршрут душиву: «Каспий хьхьирил зуманицIсса шагьру», «Дарбант – Аьрасатнал кьиблалуд къап», «Сулакьрал каньон – Табаьтрал

хIикмат», «КIира Къойсу ХIала духхаву» ва «Дагъусттаннал аьнтIикIа Гъуними». Сергей Меликовулуд бунни туристтал чIявусса кIантурдайгу, гьар кIанайгу марцIшиврул ялуд бавцIуну бикIан аьркиншивриясса ихтилат. КIицI лавгунни республикалий чIал къавхъуну чIюркIиллсса, ххиличIурдаллсса буллансса комплексру буллай байбишинтIшиву. Дагъусттаннал цIуллушиву дуруччаврил министр Татьяна Беляевал бусунни Дагъусттанная диспансеризация дуршиву дуван аьркинсса агьалинал 50 процентрал, ми 400 азара инсан хъанайшиву.

Сергей Меликовулуд маслихат бунни, агарда ххуйсса хIакинтал биял къахъанай бухурча, цайми регионная тIалав буван, цIуллуцагъшиву дуруччаврил система хьхьичIуннай дуван. «Медуниверситетраву чIявусса проффессортал зий бушиврия пахру буллай ци хайрди, ми цайми регионнай зий бухувкун? Азарханардай къашайшалт хъин буллалаву лавайсса даражаллийн гъаз дуван багълай бур», – увкунни Республикалуд хъунаманал. Роспотребнадзорданул Дагъусттанналмур управлениелуд каялувчи Залимхан Омариевулуд бусунни корьданул инжит хъусса кIантурду уттигу бушиву, къашавай хъуминнаву чIявуми оьрчIру бушиву, корьданул эпидемия къахъуншиврул, прививкартту лябуккулий дуван багълай бушиву. Меликовулуд ялагу бусунни Цумадиял райондалийнсса аьрххилиягу, тапшур бунни ккаккан дурсса чIумур Тиндиннал шяраву садик тIитIин, Гигатлив школа буван, Агъвалив физкультуралуд комплекс буван.

«На пахрулий бура вил арс кунмасса инсантал лявхъусса дуниялий оьрму бутлай бушиврия»

Ларгсса нюзмардий Дагъусттаннайн даврил аьрххилий бивкIун Бия Аьрасатнал Федерациялуд Жяматийсса Палаталуд член Екатерина Колотовкина.



Сапигат Мазаева Екатерина Колотовкинащал

Зулайхат ТАХАКЪАЕВА

Ва бур Аьрасатнал аьралуннал 2-мур армиялуд хъунама, генерал-лейтенант Андрей Колотовкиннул кулпат. Аьраличувнал кулпат хIисаврай, ва хъуну бур шалагу Аьрасатнал лагрулийсса «Жены героев» тIисса фотопроектрал автор.

Аьрххилуд лагрулий Елена Колотовкина хъунабавкунни Украиннал аьршарай хасъсса аьралий операциялий цалчин Аьрасатнал Виричувнал цIанин лайкъ хъусса НурмахIаммад ХIажимахIаммадовулуд ниттиштал Сапигат Мазаевашал.

Ихтилат хъуна «Жены героев» проект хIасул шаврия, ванин Билаятрал БакIчинал, хъинчулийгу ккаккун, кабакъу баврия.

Екатеринал кIицI лавгуна ва проект цалчин шуруци бившиву Каспийскалийсса суратришу Алена НурмахIаммадовал ва цуппа Виричувнал ниттичIан бивкIшиву «Жены героев» ккаккылия наниххуллий.

«Ттун хъинну ччай бия Дагъусттаннайн – хIакъсса патриоттурал ватандалийн, бучIан. Къуния хъуазарунни ливчусса дагъусттанлувтатл бусса бур хIакъину хасъсса аьралий операциялий гуртту хъанай, вайннава арулунная хъуну ур Аьрасатнал Виричув, вайннавагу НурмахIаммад ХIажимахIаммадов хъуну ур шала Аьрасатнаву цалчинсса Виричув хасъсса аьралий операциялий жан дуллусса.

На пахрулий бура ина кунмасса, вил арс кунмасса инсантал лявхъусса билаятрай навагу лявхъуну, оьрму бутлангу нясивну бушиврия», – увкуна Елена Колотовкина.

Сапигат Мазаевал бусуна арсная, хасъсса аьралий операция ханисса кIантайнсса цила аьрххилия.

Барчаллагьрай кIицI ларгуна хасъсса аьралий операциялий чувшиврий жанну дуллуминнал кулпатирттах Республикалуд БакIчи Сергей Меликовулуд дул-

Екатерина Колотовкина: «Ттун хъинну ччай бия Дагъусттаннайн – хIакъсса патриоттурал ватандалийн, бучIан».

лалисса къулагъас.

«Ина аькыллсса хъамитайпа бура, Сапигат. Вила ялун дирсса духIан захIматсса къювулух къабурувгун, ина чIалансса гурттушинна дуллай бура жяматийсса иширттавугу. Маслихат бува ттун, хIакъину хасъсса аьралий операциялий гурттушинна дуллалисса ттула ласнал ва уссураврал ялуд вас-ццах бакъа цукун оьрму бутлантIиссарив», – тIий бур Елена Колотовкина Сапигатлухъ.

«Хъунасса Заннайн таваккул бивтун ялапар хъанай, ттул ссу. Гьарца инсанансса къадаргу, гьанттагу Заннал инсан дунияллийн укканнинма чичайсса бур. «На гьарца нава ивсса кIанттай ттула аьш къаритара», – учайва ттухъ арснал, мукунсса угу-ия. ЧIявуя оьрмулийнсса хъул-умудру, ниятру. Намур даин бикIайссияв: «Зула зува буруччияра, зуяр ххисса ттул цуцIав акъассарча», – тIий. Ватан жандалуяр хьхьичIунну ляркъуни. Лавгунни оьрму бутлай айвагу ишиннин, хъуннасса аьшгу цала хьхьирив къариртун. На арснацIа хъуну ливчIунна, мукунсса духъунссия Аллагьнал чичру. Жагьилну дунияллия гьан чивчуну буния махъ, хъуннав ттул арс хьхьирив нанисса никиран гьарца чулухасса эбратну: дуккавриву, ватандалухсса ччавриву, хъунахасса хIурматраву, дунияллухсса ябитавриву, диндалува. Сагъну-саламатну зана хъуннав хIакъину хасъсса аьралий операциялий гуртту хъанай хъанисса жула чиваркI цала ниттихъал, кулпатирттал ялун», – увкуна Сапигат Мазаевал.

Дазул управлениелуд юбилей

Дагъусттаннал БакIчи Сергей Меликов гуртту хъунни Дагъусттаннал ФСБ-луд Дазул управлениелуд юбилейран хас дурсса шадлугърай. Ва хъуна Оьруснал театрданува.

Адриана АБДУЛЛАЕВА

Мероприятие дайдирухъуна подразделениелуд тарихрая ва бигардай бусласисса видеорттайну. Хьхьирив зузалт пишалул байрандалуштал барча буллалисса ихтилат бивна Дагъусттаннал Дазул управлениелуд хъунама Андрей Карпенкол. Ванал бусуна Дазул къуллугърал тарихрая ва хьхьичIуннайшивурттая.

– Зувира шинал хьхьичI пограничниктал цIусса дазурдайн бивккун лайкъну дуручлай бивкIссар жула паччахIлугърал дазу. Жун мудангу пахру буссар Дазул управлениелуд, хаснува шама Аьрасатнал Виричувная. Цала къуллугърал бурж биттур буллай, къучагъшиврий жанну дуллуну, лайкъ дурссар вайннал Виричувнал цIа.

ЦIанасса чIумал жу дуручлай буссару, Дагъусттаннал дакъассагу, хасъсса операция ханисса Аьрасатнал регионнал дазурдугу. ХIайп, хъанай бур жул зузалтран жанну дулун багъсса ишругу. ФСБ-луд, пограничниктурал, аьралий янналувусса ва чиндалувусса цинявпагу инсантурал къуллугъраву нажагъсса бакъар мукунсса ишру. Жун мудангу дакIний буссар абадлий дазул къаралданыйн лавгсса пограничниктал, – увкуна Андрей

Карпенкол.

Ванал кIицI лавгуна 30 шинал лажиндарай бивгъушиву закондалуд ххуттава бивксса чIявусса инсантал, контрабандисттал, зерххушиву килордайсса муси, наркотикру, балугъ, икра.

Къуллугърал бурж хьхьичIунну бартбигьлагьисса зузалтран Андрей Карпенкол дуллунна ведомстволуд чулухасса наградаартту.

Пограничниктал пишалул байрандалуштал барча бивна Сергей Меликовулуду. Дазу дуручлачиминнал къуллугърал агьамшиврия буслай, вана дакIнийн бивтуна Расул ХIамзатовулуд «Ттул Дагъусттан» тIисса луттиравасса парча.

«Аьвзал заманнай, агана Дагъусттаннал дазуин душман уккарча, яла лахъмур зунтуй къалалуд лахъшиврийсса къавтIи бичайсса бивкIссар. Му ккаккукун, циняв шяраваллаву бичайсса бивкIссар къавтIирду. Укун буккайсса бивкIссар леххаврий зунттал чиваркI. ЧIярусса шиннардил лажиндарай дагъусттанлувтуран цимилгу лахъан багъссар зунттал мицIай леххаврил къавтIирду. ХIакъинугу, ххюра паччахIлугърал хьхьирив ва кьирил дазурдай бивхъусса Дагъуст-

таннай бигъа бакъасса къуллугърал бурж бартбигьлай, пограничниктал цIакъну дуручлай бур жула дазурду. Ва яла лайкъминнайн тапшур байсса жаваблувса къуллугъри, – увкуна Республикалуд БакIчинал.

Ванал мукунма бивсуна личIи-личIисса шиннардий пишалул ххуллий цивппа ккаккан бивсса пограничниктурая.

– Азарахъул дагъусттанлувтат къуллугъ буллай бивкIссар дазул аьралуннаву. Жунна тачIав хъамакъаритантIиссар Буттал КIанттул цIанийсса Хъунмасса дяввилуд шиннардий погранзаставарттал аьралитурал дурсса чувшивуртту, мудан дакIний бивкIантIиссар Авгъанистаннай ва Ухсавнил Ккакказнаву къучагъну талай бивкIми. Аьрасатнал Вирттал: капитан Радим Халиков, старшина Мухтар Сулайманов, хъунама сержант Абдулхалик Къурбанов ва цаймигу жула ватанлувтат, – увкуна Сергей Меликовулуд.

ЧIа увкуна тIайлабацIу, Москваулуд, Хабаровскалуд, Курганнал, Краснодардал вузру къуртал бивну, Дагъусттаннал Дазул управлениелуд къуллугъ буллан гьан бивсса жагьилсса хIаписартуран.

Мажлиск къуртал хъуна Дазул управлениелуд балайлуд ва къавтIаврил ансамбльданул, республикалуд творчестволуд коллективирттал хIадур дурсса ххаллилсса концертрайну.

Пресс-конференция

Дагъусттаннал Конституциялу
дахханашивуртту къадантиссар

«Дагестанская правда» кказитрал редакциялий хьунни Дагъусттаннал юстициялул министрнал хьиривчур Сергей Караченцевлул пресс-конференция. Дагъусттаннал Конституциялул къинилуцун бавхуну шикку гъаз хьунни республикалул агъаммур закондалул хАкъиравусса суаллу.



Анриана АБДУЛЛАЕВА

Аркинссарив хАкъини Дагъусттаннал Конституция, хьунтиссарив Республикалул Конституциялул дахханаши-вуртту, цушиннарду?

– ХАкъинусса форматрай жунма Конституция аркин-ссар, цанчирча Дагъусттан хъанай бур цила бияла цихъасса, хАкуматрал журналисса Аьрасатнал субъект. КИулсса куцуй, хАкуматрал диклан аркинссар гъанусса закон – Конституция. Амма, бувчИлачИсса зат бур,

республикалул потенциал хъун-масса бухурчагу, федерал центр-данул кумаг бакъахурча, жу-щава му аркинсса куцуй ишла бан къахьунтИшиву.

КИиц лаган, ххюра шинал хъхьичИсса чумух бурувгун, та-гъар чИаланну ххуй хьунни. Гъаз хъанай бур экономикалул даража, гъарта хъанай дур ххул-лул сеть, зий дур промышлен-ностьрал предприятияртту, са-кин буллай бур шярваллил хо-зйстволул холдингру. Вай гъар-затрал гъаз буллай бур Дагъуст-таннал экономикалул даража.

Вай гъармур дан бювхьунни федерал бюджетравасса ва цай-ми регионаласса инвестортурал капиталданийну, – бувсуна спи-кернал.

Журналистурал суалла-хьун жавабру дуллай, ванал мукумма бувсуна цанасса чумал Аьрасатнал субъектру хАла бакъинсса, цачИун бансса аркин-шиву дакъашиву, Дагъусттаннал Конституциялул цичИав дах-ханашивуртту къадантИшиву, Аьрасатнал субъектру личИ-личИсса миллатру яхъанахъи-сса республикартту духьувкун, цанасса чумал ми хАла дакъа-рия зарал хьун, миллатирттал дя-нив бувчИу-къабувчИурду хъанан бюхъайшиву.

– Ларгсса шинал мадараса дахханашивуртту дурссар Дагъусттаннал Конституция-лулу. Ми циняв республикалий паччахИлугърал властурал систе-ма сакин даврицун дархИусса дия. Бюхъай, кИанттул цала кая-лувшиннарал хАкъиравусса фе-дерал закон къамул дарча, Да-гъусттаннал Конституциялулу-гу хьун цаппара дахханаши-вуртту. КИиц ларгсса законопроект ПаччахИлугърал Думалул ххал дуллай кИира шин хьунни, ми-кку бястлихун багъсса цаппара кИантурду бушиврийн бувну, – увкуна ванал.

Жагьилсса хАкинтурал масъалартту

Июльданул 25-нний МахАчкъалали хьунни Дагъусттан-нал цулла-сагъшиву дуручаврил сфералулу зузисса жа-гьилсса пишакартурал масъалартту КИиц лаглагисса пресс-конференция.



Имара САИДОВА

Пресс-конференциялул спи-керталну бия АьФ-лул Цулла-сагъшиву дуручаврил зузал-трал профсоюзирттал хьунмур комитетрал председател Дом-ников Анатолий Иванович, Дагъусттаннал регионалийсса Цулла-сагъшиву дуручаврил зузалтрал профсоюзирттал комитет-рал хьунмур, «Единая Россия» партиялул член, регионалийсса «Здоровое будущее» партпроект-рал координатор Бучаева Зум-руд Камиловна.

Анатолий Домниковлул був-суна июльданул 24-25-нний МахАчкъалали Аьрасатнал цулла-сагъшиву дуручаврил зузалтрал профсоюзирт-тал жагьилсса пишакартурал маслихатру ккаклакисса ва мин-

нал даврил даража гъаз баву му-радрайсса семинар-тренинг дур-шиву.

Семинарданий гуртту ху-ссар Киблалул ва Ухссавнил Кавказулул федерал округайсса жагьилсса хАкинтурал профсоюзру. Дурссар жагьил-сса хАкинтурансса «Будь в теме», «Продвижение профсо-юзной информации в социаль-ных сетях» тИсса цардалусса тренингу.

Анатолий Домниковлул КИиц лавгуна хАкъинусса къини билая-трай социал хАла-гурттушиврул ишру хъхьичИунмай хъанай бу-шиву. Билаятрал даражалыйсса социал къутИрду дуллай бушиву АьФ-лул ХАкуматрацал, проф-союзирттал ва давурттал ду-зал булалалиминнашал.

Профсоюзирттаву хАла бувхсса жагьилсса пишакарту-

ран хъунмасса кумаг хьунтиссар чИяву-чИявусса масъалартту дуз-раин буккан бавриву.

Республикалул цулла-сагъшиву дуручаврил зузал-трал профсоюзирттал шархъа-ву зун гъан ччисса жагьилсса хАкинтуран ци кумаг буллай буссарив бувсунни Зумруд Бу-чаевал. Ванил бусаврийну, ДР-лул Халкъуннал Мажлисрал за-седаниярттай цимилгу гъаз був-ну бур шархъаву зун бувкИсса жагьилсса хАкинтуран аьрши итадакъаврил масъала. Респу-бликалул 11-хьул муниципали-тетирттай шаллу бан бювхьуну бур ва масъала.

– «Земский доктор» програм-малул лагрулий шархъаву зун лавгсса гъарцагу хАкиннал дав-рин къимат бишун ккаккан був-ну буссар хасъсса насихАтчитал. Программалул лагрулий ккак-кан дурсса 5 шин ларгун махъ, медроботникнаша ххисшаласса кИулишивуртту ласун бюхълай бур цулла-сагъшиву дуручаврил идарарттай. ХАкъинусса къини шярваллил кИантурдай медициналул идарартту чИявусса бунугу, биалсса кадрарду бакъа-шиву асар хъанай бур, – увкуна Зумруд Бучаевал.

Пресс-конференциялий гуртту хьуминнал цЮурвкъусса масъалану КИиц лавгунни шар-хъаву зун гъан ччисса кадрарду бакъашиву.

Ахирданий, Анатолий До-мниковлул ва Зумруд Бучаевал жавабру дуллау журналист-турал суаллахьхьун.

Ларгсса итникъини «Дагестан» РИА-лий «Маяки дружбы. Баш-ни Кавказа-2023» тИсса дуняллул халкъуннал дянивесса во-лонтёртурал проектрая балжину бувсунни ваниха зузминнал.

Волонтёртурал
дусшиврул ххуллийсса
проект

ПатГимат РАМАЗАНОВА

Журналистурал суаллахь-хьун жавабру дуллунни «Дус-шиврул маякру» регионал дя-нивесса дастталугърал (МОДМС) директор, «Горцы» группалул каялувчи Загьида Садыкъовал, вара «Дусшиврул маякру» даст-талугърал Дагъусттанналмур ккурандалул каялувчи, Чачан-навусса мероприятиярттал ко-ординатор Хасбат Тилакаевал ва Дагъусттаннал Миллатирт-тал ва диннал иширттал мини-стерстволул отделданул хьунмур Оксана Ибрагьимовал. Бувсун-ни ялул КИиц лавгсса проектрал гъанумур мурад бушиву хайр-мюнпатсса захИматрайхЧин миллатирттал ва билаятирттал дянивесса дусшиврийсса арарду цАкъ дуваву.

«Ка-кумаг буллалаву – ва жул, волонтёртурал, давур. Ре-гионнайн бивну, тайннал куль-туралия ва аьдатирттая КИул бу-ваву, лавхъхьумур цайминнахъ бусаву. Гъар къини тИссакссагу, проектраву гуртту хъанахъими, журналистурал-блогертурал даву дуллай, экспедициялий

цайнама бивсса асардая буслас-сиссар. Цайми регионаласса жа-гьилтурацал дусшиву цАкъ хъа-нахъиссар», – увкунни Загьида Садыкъовал.

Гъашину проектраву гурт-ту хъанай усса ур 45 инсан. Ко-мандалулу, дагъусттанлулвал бакъагу, бусса бур Къабардин-Балкъарнавасса, Саратовра-ясса, Ухссавнил Осетиянавас-са, Къарачай-Чаргаснавасса ва цаймигу КИантурдаясса жа-гьилтал. Ларгсса шинал Донец-калал Республикалиясса жа-гьилтал гуртту хьурча, гъаши-ну Херсоннал ва Запорожлуллас-областирдаятуссагу бур. Хас-бат Тилакаевал бувсунни июль-данул 31-нний тИайла хьуну ав-густрал 2-нний Чачаннаву экс-курсиялий бикИантИшиву, тик-кува личИ-личИсса акциярду бувантИшиву, миннувах эколог-иялулмургу. Проектрал дайди-хьу Ухссавнил Осетиянаву ду-вайхту, командартту регионал хъу-мурса хьунтИий дур. Волонтёр хИсаврай ва проектраву гурт-ту хьун хъанай бур 18 шин ху-сса гъарманаша.

Ттулмур пикри

Вихшала дишингу
мудан бучИну бакъар

Жула Аьрасат талай бур жула буттакъаша духлаган дуван Къархьуну лирчИсса, цайми миллатирттал инсантал къаччис-са неонацизмрал мархха-ххун цунилгу бухлаган баврил ххуллий. Пикри бувсса чумал, чИалай бур му хьинну захИматсса иш буши-ву. Му так ца аьралий ярагъунницИух шаллу буван жапану бушиву. Учиннуча, жуйнма тИайла буван най бивкИсса ярагъ ва гай канил бувгьуми ххит буварчагу, личИлай бур ялагу му обьсса идеология ня-ракъатравун даркъуну тарбия дуллай диркИсса никгу.

Вихшала дишин кунма чИалачИсса инсанталгу, хАку-матирттал хьунминная тИайла хьуну, бахханану гьалгъа тИий буклай бушиву. Вана уттигъ-анну, жула дусра тИсса Тур-кнал президент Эрдоганнул зу-мату бувккунни: «Ихтияр дус-сар Украиннахьгу НАТО-лувун буххан» тИсса махъру. Тарих-рал иширттан хас бувсса луттир-дал буслай бур Хьун дяввиул чумалгу Туркнал хАкумат жу-лура къадиркИшиву. ТИайлар, тайннал немецнахъхьун ясирну

биривсса жула инсантал ххассал буллай бивкИун бур. Ва иширах-лу жува тайннайн барчалагъ-рай буссару. Уттигу, Украинна-ву ясирну багъсса жула саллатИ Туркнал дипломатурал кума-граину ххассал буван бюхълай бур. Барчалагъ ва иширахлугу. Му жунма КИулул бикИантИссар. Амма ялул КИиц бувсса куцуй, турк жула «тавлухун» хьиннува гъан хьун битаннив къабучИну чИалай бур.

ХАжимурад ХИУСАЙНОВ,
ш. Вихьул

Цуссалакрал райондалия

Дагъусттаннал Конституциялул кьини Цуссалакрал райондалий

Цуссалакрал райондалий лахъа-хъунну кИиц дунни Дагъусттаннал Конституциялул кьини. Хъунни личи-личисса шадлугъру, шярваллил хозяйстволул ярмарка. Шикку райондалул агъалинаша ва хъамал-лураша ласун бювхъунни дикI, ахъулсса, ахънилсса.

КIанттул культуралул зуалтрал хIадур дурну дия ххаллилсса концерт ва «Мы дружкой единой» тIисса миллатиртгал культуралул фестиваль. Райондалул паркраву тIивтIуну бия миллатиртгал дукрардашалсса авадансса ссупра.

Авдатравун багъсса кушцуй, оьрмулул 14 шин хъусса оьрчIан ва кьини буллунни паспортру. Шярваллил библиотекарттаву дунни кьинилун хас дурсса вечерду.

Райондалул бакIчи МаматIи ХIамзатов гьуртту хъунни паспортру ва ГТО-рал мусил лишанну дуллалисса мажлисрай. Ахирданий хъунни «Цалчинминнал Суккушинна» тIисса оьрчIал ва жагьилтурал суккушиннарал хIадур дурсса цIуну ивтесса райондалул бакIчинашалсса хъуна-бакъаву.



Цуссалакрал выпускниктурал лавайсса баллу лавсунни

Цуссалакрал райондалийсса Цуссаккулал 2-мур школалул дуклаки душ ХIурия МахIаммадовал биологиялул ЕГЭ-рай 86 балл лавсунни. Ванил бигъанна дунни биологиялул разделла-ясса кутIасса жавабру дулун аьркинсса цинярдагу заданияртту, генетикалул ва цитологиялул задачартту. Биологиялул ЕГЭ выпускниктурал дуллаи бур цала язи дургъуну буххан ччисса вузравун аьркинну духъурча.



Индира Къадинова

Укунмасса вузравун буххан чанма-чанну 16 первичный ва 36 тестирдал баллу аьркинну бур, ведомстволул вузирдан тIурча, – 18 первичный 39 тестирдалсса. Мукунома 80-нния ливчусса



Салима Юсупова

баллу лавсунни тарихрал ЕГЭ-рай Цуссалакрал райондалиясса 3 выпускникнал.

Тарихрал ЕГЭ Цуссалакрал райондалул школардай гъашину 29 выпускникнал дуллунни.



Рахима Къурбанова

Вайннава 3-ннал лавайсса баллу лавсунни:

ЦуссачIуртташиял 2-мур школалул выпускница Къадирова Индирал (80 балл), ДучIиннал 2-мур школалул выпускницахъул Къурбанова РахIимал (87 балл) ва Юсупова Салимал (87 балл). Тарихрал ЕГЭ най дия шанна ссят ва дачIиннуй. Вузирдавун бухлахиминнан чанма-чанну 32 балл аьркинну бур.

Барча буллаи буру лавайсса баллу лавъсса цуссалакрал выпускниктал.

Лагерьданий, гьарца кьини линейкертту дурну, ларгсса кьинилул хIасиллу дайссия, кIицI лагайссия шикку дурсса мероприятиярттай ххув хъуми. ОьрчIал хъунмур чIун гъан дайссия гъавалий. ЧIявуми тIуркIурду ва спортрал занятиртту шайва кьатIувсса майданнив. Бигъагу лавгун оьрчIал цIуллушиву цIакъ дансса чаран лавкъуну бия лагерьданул каялвчитурал.

ОьрчIру ххарину бучIайва

Лагерьданул чIун кьуртал хъунни

Цуссалакрал райондалий кьуртал хъунни школалулчIасса лагерьданул смена.

шиккун. Лагерьданий гьарца сменалий дайва оьрчIру бялахъан, таза буккан бансса мероприятияртту, спортрал бястчаллу ва тIуркIурду, творчестволул конкурсу. ХIасил, дай-

ва оьрчIру итхяххан баву, миннавусса гьунарду ялун личин баву, цусса кIулшивуртту дулаву, захIматрахун бичаву, яла-яла, вай ватан ххирану тарбия баву мурадрайсса давуртту.

Дагъусттаннал БакIчи Сергей Меликовлул каялвшиннаралу Республикалул призыврал кампаниялул хIасиллу дуллалисса совещание хъунни.

Цуссалакрал район призыврал чулуха хьхьичIунминнувух

Шикку гьуртту хъунни аьралий комиссариатиртгал, прокуратура-лул, ихтиярду дуруччай органнал ва республикалул ведомствартгал каялвчитал.

Совещаниелий гьуртту хъунни Цуссалакрал райондалул бакIчи МаматIи ХIамзатову. Совещание-лул лагрулий кIицI лавгунни интнил призыврал план Дагъусттаннал 100% шаллу дуршиву. Вания Республикалул БакIчинахъ бувсунни ДР-лул аьралий комиссар Дайтбаг Мустапаевлул. Ванал мукуна кIицI лавгунни интнил призыв цила чIумал ва лавайсса даражалий

шаллу дурсса районну. ХьхьичIун лирчуминнувух Цуссалакрал районгу дур.

Сергей Меликовлул барчаллагъ увкунни кIицI ларгсса районнал каялвчитурохъ ва тапшур бунни ххуйсса ккаккиртту чIалачIи дурсса военкомтуран наградартту дулаврил масъала ххалбигъин.

Совещаниелул лагрулий ихтилатру хъунни контрактру чирчуну аьралий операциялий гьуртту хъун нанисса Дагъусттаннал аьралитурая, миннал чувшиврия ва Ватан ххирашиврия.

Чувшиву дуллаи вардиш хъуну бур



ХIакьину жула дянив кIиссурттай буккинукусса ливчIун бур Буттал КIанттул цIанийсса Хъунмасса дяввилул цIаравух бувксса, бюхт-тулсса Ххувшаву ларъсса виртгал.

Шин дакIинийн багъанссия, ацIрахъул шинну ларгун махъ жунна цIунилу дяввилул сичча ккаккансар, цIунилу неонацистурашал талан багъансар куну.

ХIакьину шалагу жула билаятрая кьучагътал най бур фронтрайн, цила чIумал буттахъал, буттал буттахъал дурсса чувшиву тикрал дан.


Утти жула буссар цусса виртгал билаятрал тарихраву цалла цIарду кьаритантIисса.

Аьралуннал ва хьхьирил флотрал кьинилул гьантрай жу хъуна-бавкъуру мукунсса кIия виричувнашл. Вай бур Цуссалакрал райондалийсса ЦуссачIуртташиял шяравасса.

Оьмардул арс Израилов Халил контрактту чирчуну лавгун ур хасъсса аьралий операциялий гьуртту хъун. Ва отделениелул командирну ур. Халиллул бусласимунийн бувну, дяввилул ишру нанисса КIанттурдай хъунмасса бияла бур захIматсса тагъарданий цаннал чIарав ца бушиврухъ, куннан куннал кумаг бан хIадуршиврухъ.

Ванащал хьхьичI ххуттай ур дус Оьмарасхабов Мухтар. Вагу, контрактту чирчуну, Каспийскал флотилиялул хьхьирил бахътагъалтрал 177 полкраву увкIун ур СВО-рай гьуртту хъун. ХьхьичI ххуттай бавцIуну, яла захIматми бигарду шаллу баврийн жула виртгал аьдат хъуну бур. Дяввилул майданнив шавурду дирсса аьралий дултал ххассал буллаи, миннан медициналул цалчинсса кумаг буллаи, вайнал цимиллагу ккаккан дурну дур цалла чувшиву.

Лажин хIадур дурссар Андриана АБДУЛЛАЕВАЛ



СЛУЖБА ПО КОНТРАКТУ
В ООРУЖЕННЫХ СИЛАХ

МОЁ ДЕЛО

ТОТ НЕ МУЖЧИНА,
КТО ГОЛОВУ ПРЯЧЕТ,
ЕСЛИ ОН ВИДИТ
БЕДУ НАД СОБОЙ...
И. Казак

CONTRACT.MIL.RU
8 (8722) 68-16-08

Лакрал райондалия

Конституциялул дуручлачиссар халкъуннал цашиву ва аьдатру

Лакрал райондалул администрациялий хьунни Дагъусттаннал Конституциялул кьинилун хас дурсса шадлугъ.

Зулайхат ТАХАКЪАЕВА

Байран барча тий, райондалул бакъчи Юсуп Махаммадовлул кичи лавгунни Дагъусттан Республикалул Конституция къамул дурну диркешиву СССР пив хьуну махъсса ччанавкъуса, паччахлулугъ жапасса ххуллул шанбачиулий дарцусса ппурт-тыву.

– Цусса Конституция къамул баву хьуссар республикалул тарихрал цусса этапну. Конституциялул цакъ бувсар Дагъусттаннал халкъуннал цакъсса хучча Аьрасатнал Федерациялул



ца бутта хисаврай, Дагъусттаннал цашиву дуруччинсса.

Ва бигъа дакъасса чумал жува биклан аьркинссару тти-

нинниргу къанкъану, жапасса мурадру биттур буллалисса жула аьралитурал чарав бацан бюхансса кушуй. Зана хьуннав цив сагъну-саламатну цала кулпатиртгал ялун, цайва бивхъусса буржгу лайкъну лавхъун, – увкуна Юсуп Махаммадовлул.

Байрандалул тарихрая бувсуна Шяпи Шурпаевлул.

ДР-лул Халкъуннал Мажлисрал Лакрал райондалул жяматрал чулухасса депутат Марат Илиясовлул кичи лавгуна Дагъусттаннал Конституциялул жула миллатругу цачун булла, аьдатругу дуручлай душиву.

Аьрасатнал жагьилтурал ва оьрчал «Движение Первых» тисса суккушиндарал ватан ххирану тарбия баврил ххуллий дуллалисса мероприятияртгал лагрулий Юсуп Махаммадовлул ва Марат Илиясовлул оьрмулул 14 шин барларгсса дуклаки оьрчан буллуна паспортру. Мунни махъ райондалул магьирлугърал зузалтрал ккаккан дурна концерт.

Криминалданул хаварду

● Июльданул 24-ний Махачкъалал Кировский райондалул полициялул отделданийн оьвкуну бур Кьумтуркъалал райондалул Фармацевтну зузисса хьамитайпалул баян бувну бур кил акъасса инсаннал, маша буллалимунил дурну, аптекалия 5813 кьурушрансса затру дарцушиву.

Полициялул зузалтрал цурку, ливкъуну, отделданийн увцуну бувкун бур. Ва ур Махачкъалалий ялапар хъанахъисса 25 шинавусса жагьил. Цурку мукру хьуну ур. Ванал цала бусласимунийн бувну, аптекалул зузала маша буллалиминналсса булла бунува, ва полкардая муму-тамургу ларсун ливхъун ур. Хьиривлявуртту дулла, кил хьуну бур ванал нанисса шинал июль зурул 13-ний ва 19-ний мура журулул тахсиркаршивуртту дурну диркешиву.

Ванал личи-личисса ттучанная аьмну 47 азарда кьурушрансса затру дарцуну дур. Полициялул зузалтрал дарцумур, зерххуну, заллукърунначан диян дурну дур. Ва иширал хакъираву материал дартун дур.

● Дагъусттаннал уголов розыскрал управлениелу зузалтрал ППС-луцал цачу увгуну ур къавкъиншиву дуршиврий ва инсан ивчаврий шак багълагъисса инсан. Ва ур Рутуллал райондали-ясса 52 шинавусса адамина.

Цухху-ккакку булла, ванал бувсун бур 2022 шинал январьданул 3-ний Махачкъалалий цала Амсар шяравасса (Рутуллал район) 38 шинавусса адамина бивтун увтшиву, га усса кланай кьуртал хьушиву.

Ва, тахсиркаршиву дурсса кланая ливхъун, кьютл хъанай ивкун ур. Тахсиркарнах шалагу билаятрай луглай бивкун бур. Хьиривлявуртту дуллалисса органнал зузалтран кил хьуну бур ванайн къавкъиншиву даврийгу шак тий бушиву.

2023 шинал июльданул 18-ний ванал руртун дур граната Махачкъалалий, Хизроевлул цанийсса кичираву ялапар хъанахъисса 65 шинавусса адаминал къатравун. Ва ишираву ливтусса, бившусса хьуну бакъар.

Ванайсса тахсир хисавравун лавсун, сукку дурну дур инсан ивчаврил, къавкъиншиву даврил, закондалуцун къабавкъуну ярагъ ябаврил хакъиравусса уголов делорду.

Федерал розыск баян бувну ивксса инсан увгуну ур Дагъусттаннал полициялул зузалтрал.

● Июльданул 25-ний, сьят 15.52 хьусса чумал, Лакрал райондалул полициялул отделданийн оьвкуну бур участковый-нал, цала биалдарайсса участковый – ШавкИуллал шяраву, инсан ивксса иш хьунни куну.

29 шинавусса адаминал бакрайх зат риршуну оьрмулуца бувну бур 38 шинавусса хьамитайпа. Яла ванал мунил жаназалийн ва цайна чиллу шуну дур. Къатлува вев-гъарайлул чурду баллай, участковыйнайн оьвкуну бур чакхуврал.

Тахсиркаршиву дурма, психикалул къашавайсса уну, РПНД-лул сияхрай ивкун ур.

Цана ва азарханалий утту ишин уву ур медициналул ку-маг бан.

Хладур бувсар
Анриана АБДУЛЛАЕВАЛ

Патимат РАМАЗАНОВА

Бавтцирив барча буллалисса ихтилат бувна райондалул хьунаманал хьиривчув Анатолий Давдиевлул. Ванал кичи лавгуна райондалул хьунимигу агъалинал ихтияду дуруччаву мурадрайсса давуртту, гьаркъини тиссаксагу, дуллаи бушиву, Конституциялий тийкун,



агъали гьарца чулуха бурувчуну бушиву.

– Дагъусттаннал Конституциялул гьану бивзсар республикалий демократия цакъсса ва социал ихтияду дуруччусса общество хласул даврин. Дагъусттан – авадансса тарих бу-

Ккуллал райондалия

Конституциялул кьинилун хасну

Июльданул 25-ний Ваччав, Виртгаврал аллеялий, Дагъусттаннал Конституциялул кьинилун хас дурсса шадлугъ хьунни, райондалул идарртгал каялувчиталгу, жяматрал вакилталгу гьуртуну. Ва хладур дурну дия Райондалул культуралул центрданул.



сса республикар, ванил хьунмур хьус-ххазинагу бавкъуну, нахуну яхъанан ччисса миллатру. Дагъусттаннал гужкъуватгу жулла цашиврувур ва дусшиврувур бусса, республикалул агъаммур законгу жунна цума-цаннангу вихшаласса гьа-

нуну хьун аьркинссар жура дуллалисса мюрши-хъунисса давурттаву, – увкуна ванал.

Ялун нанисса ник патриот зумуну тарбия даврил ххуллий агъамсса даву дуллалисса Райондалул культуралул центрданул ва ххуллухьгу ххуйсса программа

хладур дурну дия. Концерт дайдишиннин, мероприятие дачин дурсса Марсель Сулаймановлул бувсуна Дагъусттаннал лишанну хъанахъисса гербрая, гимнрая ва



ттугълия. Аьдатрайн бувну, концерт дайдирухъуна гимнрая. Хьирив райондалул культуралул идарртгал зузалтрал ккаккан дурна концерт. Конституциялул кьинилун хас дурсса личи-личисса мероприятияртту вай гьантрай сайки гьарца шяраву хьуссар.

Конституциялул кьини ЧЯЙННАЛ ШЯРАВУ

Дагъусттан Республикалул Конституциялул кьинилун хас дурсса ххаллилсса мероприятие дунни ЧЯЙННАЛ ШЯРАВАЛЛИЛ МАГЬИРЛУГЪРАЛ КЪАТЛУЛ ХЪУНМУР САЛИХАТ АЛХАСОВАЛ. Мажлисрай гьуртту хьун ЧЯЙННАЛ ШЯРАВАЛЛИЛ МАЖЛИСРАЛ ДЕПУТАТ ЭЛЬБРУС ЖАМАЛУТТИНОВГУ.

Имара САИДОВА

Салихат Алхасовал бувсуна Дагъусттаннал Конституциялул тарихрая.

– Дагъусттаннай Конституция къамул дурну дур 1996 шинал. Жулла республикалий



аьдатравун дагъну дур ва кьини июльданул 26-ний кичи лагаву. Байрандалул агъамшиву дур Дагъусттаннал паракъатшиву ва цашиву дуруччаву мурадрайсса Закон къамул давриву. Конституциялул тлавашиннарду дур Закон дуруччаву. Республикалул агъаммур байрандалуцал барча булла, чла тий бура цинявнан цакъсса цуллушиву, цу-цусса хьхьичуннайшивуртту, – увкуна Салихат Алхасовал.

Муданна кунна, ва ххуллухъсса мероприятиелийгу чялишсса гьурттушинна дурна дуклаки оьрчал. Вайннал дурккуна назмурду, увкуна балайрду, дурна къавтлавуртту.

Адриана АБДУЛЛАЕВА

Мюрши-хъуни къаувкуну, шикку ялапар хъанхъисса цинявпагу хъуннаши бавтун, тиха-шиха бусравсса хъамалгу бивкун, лакку дукрардал авадансса ссупрагу тивтуну, аьчухсса, рахатсса шябиклаву хъунни. Оьрмуллу хъуними буттал шяравалу дакИний дутлай бия. Арамтал кИллай букалай бия. Ххув хъуминнан ххуйсса бахшишругу дунни. Жагьилми, цаннасса дяхъру дурну, къавтИий, балай тИий бия. Мюршиминналгу, туркИу тИий, тамансса хIаз лавсунни. ХъатИи кунмасса, тяхъсса ххуйсса мажлис хъунни.

Гъай-гъай, гъурбатрайсса инсантуран укунсса шябиклаву дакИнин малхIанну хъунни. ХIакъинусса кьини Къабардин-Балкъарнаву Хъуннациял шяравасса 30 кулпат яхъуну бур.

Та мажлисраюгу, тийх мина дирхъусса Хъуннациял жяматраюгу буслависса чагъар бивкунни жул редакциялийн ччянива тихун бивзсса хIурмат лавайсса ХъункултIутИи Оьмарова. Ва цуппагу «Илчи» кказитрал хъинсса дусри.

Чув-унугу чан акъасса лаккучу

Гъурбатрайгу бусравну

Вай гъантрай Къабардин-Балкъарнал хъуншагърулий Нальчикрай лахъа-хъунну кИци ларгунни Хъуннациял Шяраваллил кьини.



«Салам гъинттулгу мархъусса бюхттулсса Эльбрус зунттуяту ххирасса Хъуннациял Заку зунттуин, шалагу Хъуннациял жяматраин. Салам «Илчи» кказитрал редакциялийн, зун цIулушиву ва хъинбаларду чIа тИсса ХъункултIутИи.

Къабардин-Балкъарнаву, Нальчик шагърулий бюхттулну кИци ларгсса Хъуннациял Шяраваллил кьинилул мажлисрал гъавас бутун чичлай бура зучан ва чагъар.

Жул Хъуннациял шар дуссар Лакрал райондалий ца яла бюхттулмур Заку зунттул лув, Хъуннехал зуманив. Шярава бивкун, Къабардин-Балкъарнаву мина дирхъусса Хъуннациял жяматран, циксса шинну шийх дарчагу, цуксса ххуйну жува яхъуну бухъурчагу, тачIав хъамакъаритайссар жула буттал шяравалу. Архну бунугу, хъамакъабитайссар Хъуннехал чIугу, буттал шяраву Чуртта сунувсса барзултрал кюртигу. Жува чув, ци билаятрай бухъурчагу, жу хIарачат буллай буру жула шяраваллил цIа хъун дан, жула багъу-бизугу, аьдатругу ядан. Бюхттулсса къатраву ялапар хъанай, кIукIулусса шанурдай шанай

Хъуннациял халкъ, чун гъарчагу, къалайчиталну, яттихIухчалтну, ккарччивдихъултну зий, цала маэшат буллай, чил кIанттурдай бусрав хъусса инсанталли.

бухъурчагу, Макка-Мадинаялийн бивну, зияратрал чарийн ка шурчагу, жула буттал шяравалугу, жяматту, кИийсса хIатталлив бивччусса жула гъан-маччамигу, хъхъувай чIаххув-чIарахми дуссхун батIайсса жула пачкъаттагу, салил шану ва къалкъул кIаралугу, бавахъал жула кIанттух увкусса балайрдугу жун тачIав хъамакъабитайссар. МакIругума яла ххуйми жул буттал шяравусса дикIай. Мюршисса чIумал жухъ бавахъул буслан дикIайва ва цанансса дуниял дучантIиссар тИий.

Хъуннациял кьини дангу жун мунияту ччан бивкунни, ца кулпат кунма цачIу шябикIун, вай гъарзат: жула оьрчIшиву, баваттагъаьул, танийсса оьрму



АьвдурахIман, Сайпуллагъ, ГъазимахIаммад

дакИнийн бутаншиврул, цинявннаша шяравунгу гъан хъанай бакъахъувкун.

Ва даву лажин кIялану бакIуйн дуккан дан хъуннасса хъар лархъунни ттула хъунама уссил ГъазимахIаммадлул, ванан кумаг бунни АхIмадлул, Сайпуллагъпашанал, Шихамирдул. ЧIарав бавIунни Тимур, Руслан, Рашид. Мажлисрай гъуртту хъун чIавусса хъамалгу бивкунни: Москвалия стоматологал Ризван ва Светлана, Тырнаузрая оьрчIашал, оьрчIал оьрчIашал КъурбанпатIимат,



ХъункултIутИи ххункI бичлай

Крем-Константиновка шярава Исмаил оьрчIашал, Нуцалхан арснашал ва м.ц.

На дакИнийхтуну барчаллагърай бура ва кьини, ттула лагма лавгун, мажлисрал ссупралийнсса дукрарду дан кумаг буллай бивкIсса Бадирайн, Галайн, Гуляйн, Мадинаян, Калиматлуин, Эльвирайн, Уммкукумлуин.

Жул шяравалу чIиринугу, чIан куртIсса шяравалур. Хъинну мяърипатту, яхI-намушту бусса, аькьлу-кIулшилул бивччусса жяматту буссар.

Къабардин-Балкъарнаву ялапар хъанхъисса цинявпагу хъуннаши ссавний ссурулкурттану буссар шяраваллил жяматран. Жуйту кIайннан ххуйсса бакъа къабаянтIиссар. Жу, гъар мудан, ххаришивурттайгу, къурчIишивурттайгу цачIу буссару, цаннал ца лавсун, бавкъуну, нахIуну буссару. Укун оьрму бутлангу жун хъхъичIсса никирая ишираву эбратну хъуссар ттула нину-ппу, ниттилссухъулу, цинявпагу гъан-маччами.

Нальчикрай цинявпагу жул инсантал лаххан ччимур лахлай, дукан ччимур канай, къутай къарчигъайртту кунма яхъуну бур. Жула оьрчIаьх, оьрчIал

оьрчIаьх буслан бивкIукун, зурлул чаннай хъуру ттихIин лагайссия жул бавахъул, ницай ччарду дуллай бивкIайссия, къама лавсун гъарахъун лавгун, иникIама дайссия, навтлил чирахърах дарсру дайссия тIий, вай вих хъанан къабикIай.

Жул хъами, каршул дултту къяпригу бивхъуну, дур-дакъар

къаувкуну, къатлуvmур къатIув бивкун къабивтун, яхIирай ялапар хъанай бивкIиссар. Хъуннациял шяраваллия ца хъунмасса лу чичин хъунссия, ччимур сериалданийр ялтту дуккансса киногума ласун хъунссия.

Жул шяраваллил халкъ, чун гъарчагу, къалайчиталну, яттихIухчалтну, ккарччивдихъултну зий, цала маэшат буллай, чил кIанттурдай бусрав хъусса инсанталли. Жуй ххуйсса бакъа шилчIав къаучинтIиссар.

ХъхъичIа-хъхъичI шярава шихун лавгун бия хIурмат лавайсса арамтал: Аьвдулхаликъ, МухIсин, Шарип, Баттал, Аскандар, ХIайдара, Апанни, Къурбанисмайл, Исмайл, МахIаммад, Шамил, Билад, ХIажиаьвдуллагъ. Вай бия махъ нанисса, сий дусса арамтал. ГъарначIа хIурматрай ия бивзсса махъгу, бивзсса шагу ххуйсса ттула ласнал ппу Оьмар. Аьпа баннав цинявннал. Вай эбратну хъуссар жун, махъа наниминнан.

ХIакъину жугу лайкъну дуручлай буру жула цIа.

ХIайп, личИи-личИисса багъантту хъуну, шихун бивзсса хъуннациял агъулдания чIавусса ххуйсса инсантал жагьилсса оьрмулий дунияллия лавгунни. Ми бивкIиссания, миннаягу оьрчIру бивзун, жугу хъиннува чIавусса бивкIанссия.

ЯлунчIингу Хъуннациял кьини кИци дансса пикрилий буру. Жу тIимур Залгу тИий лякъиннав. Цинявннахъхъун цIулушиву дулуннав. Муниннин, чIяву хъурча бакъа, чан къахъуннав жува. Дяхъирду къуртал хъуну, дуниял паракъат хъуннав. Табиаьтрал балардаша бурувччуну лякъиннав. Гъарнал ужагърай барачат ликканнав. Шар дучин ччинал дурцуну, шар хъун ччимур ласкъатраин лавгун, кулпатру чIяву хъуннав. Ахир хайрданийн дукканнав.

Зуха дуаьлийсса ХъункултIутИи.

Вингу барчаллагъ, ХъункултIутИий, гъурбатрай узданну оьрму бутлагисса, буттал кIанугу хъамакъабивтссар, редакциялушласса дахIавугу хIура хъун къарилатисса.

ЦIулушиву дулуннав.

«Илчилул» календарь

Ва нюзмардий бувссар

Июль зурул 25-нний 1937 шинал бувссар шаэр, чичу, публицист Миясат Шурпаева.

Июль зурул 29-нний 1948 шинал увссар жяматийсса ишккакку, ДР-лул паччахлулгьрал кьуллугьрал лайкь хьусса зузала Шамил Акаев.

Барча бавуртту



Июльданул 1-нний оьрмул 85 шин бартларгунни ххаллилсса лаккучув, 1-мур ЦувкИуллал шяравасса Садикьул арс Хусайн Уллубивулун.

Куллал райондалий школагу кьуртал буну, Хусайн лавгссар абралуннаву кьуллугь

бан. Шанна шинай Германнаву кьуллугь буллай ивкИссар. Армия лавхьун увкИун махь Ваччав райондалул кказитрал редакциялий зий уссия. Мунир махь зий уссия почталый связистну, ЦувкИрав электромонтерну.

Му бакъассагу, Хусайн хьу-лухчинул давурттай, ххулув буллай, хьуру дугьлай зий ивкИссар. Ва 10 шинай колхозрал гьаттарачИа, 5 шинай яттичИа ивкИссар. Хьунмасса захИмат бувсса адаминар жул бутта.

Ххирасса буттахь увсса кьини барча тИий, чИа тИий буру цулулушиву, ххари-хьиншивуртту, гьарца ишираву тИайлабацу. Вина чкиун итаннав ина бусса оьрмулий.

Виха дуаьлийсса оьрчIру НухI, ПатИма, Рамазан, МахIаммад-Кьурбан, Рая, оьрчIал оьрчIру

Баян

«Илчилий» бишлашисса барча бавурттал текстру буссар укунсса барча баву – 200 кь. суратрашалсса барча баву – 500 кь.

Спорт

Цалчинсса кIану бувгьунни

Вай гьантрай Хасавюртлив хьунни Ухсавнил Ккакказуллал округрал спортсментурал дяннивсса греплинграл бьаст-ччал. Шикку гьуртту хьун бувкИун бия Ставрополлал, Краснодардал крайрдаясса, АьсатИиннавасса, Кьабардин-Балкьарнавасса, Ингушнавасса, Чачаннавасса, Дагьусттаннаясса спортсментал. Турнирданий цалчинсса кIану бувгьунни жула лаккуоьрчI Камиллов Жамал Исьевичул.



Адриана АБДУЛЛАЕВА

Жамал дуклай ур МахIачкьалалал №29 школалий 10-мур классраву. Ванал ппу Ккуллал шяравасса ур, нину – Арчиятуса.

Жамаллул уттинингу, личИиличИисса соревнованиярттай

гьуртту хьуну, хьхьичИунсса кIанттурду бувгьуну бур. Ва, греплинграхун акъассагу, хIала-ккаласса бияврил спортрахунгу агьну ур.

Утти Жамал гьантИссар греплинграл Аьрасатнал чемпионатрай гьуртту хьун. ЧIа учинну жула жагьилнан тIайлабацу.

Бахрушиннул музей
Расул ХIамзатовлун хасну

А. Бахрушиннул цIанийсса музейрал Дагьусттаннал Национал музейрашал цачлу хIадур буллай бур Расул ХIамзатовлун 100 шинал хасьсса хьунмасса экспозиция.

Цушинна

Баххана хъанай бур набережная

ТIайламур бусан, нагу хьхьирил зуманив яхъанай бунува хьхьирин кьабуккайминнаватуссара. Амма шагьрулуву цукунсса дахханашивуртту хъанай дуссарив, хьхьирил зуманицIсса бигьалагай кIанттурду цукун бакьин буллай, цу буккан буллай буссарив хавар бур. Башттанма аьванну тинмай бавцIуну бакъассара, кIулли шагьрулул пляжгу, «Березка» ва «Лунный берег» пляжругу ххуй хъанай душиву. Редукторный поселокрайсса набережная цукун ххуй хъанай буссарив ккаккан бувкIра ларгсса бигьалагай кьини.



ПатИмат РАМАЗАНОВА

Найбунува явацIунни хьхьирил шин гьаз хьурчагу кьалхану хьунсса дамба гьаз хьуну бувиврий, ва зумания та зуманийн сайрданий занансса тIаннул терраса дурну душиврий, тягугу, шиягу муххал чапардугу дурну. Майжансар, террасалийн гьаз шайсса чуртту хьхьичИва бикIайсса кIанттай, «Приморская» тIисса гостиницалул хьхьичИ, бакья, лекийн буну, тихачул хьун багьунни. ТIаннул тахтардая ца ххуйсса, кьутI-кьутI тIий занансса терраса дурну дур, лавгра ца зумания тамур зуманийн бияннин. ХьхьичИва хавар бия ва терраса Медиктурал

аллеялийн дияннин дувантИссар тIисса, тIаннул дакьинсса муххал ттарцIру АллеялуцIан дияннин дишин дурая, бюхъай ялун ххи дангу. Ва террасалуцIун хьхьиривцIух буллай бия шанма шуттайсса ххуллугу: ца – асфальт бувтIусса, ца – велосипедистьтурансса, резиндалул кьат даркьусса, цагу – неххал чарттая бувсса, бачИва ччаннах занансса, чIанччаннай массаж буланшивул. Строительтал зий булукьуну бия, техника аьлагуьжалий шуруй дия. Строительтурал бувсунни оьрчIру тIуркIу тIунссагу, спортрал площадкарттугу дувантИшиву. Ттуплий булансса площадкартту дулла-

Бадрижамал АБЛИЕВА

Гьашину А. Бахрушиннул цIанийсса Паччахлулгьрал театрдал центральный музейрал, Аьрасатнал Культуралул министерстволул театрдал музейрашалсса даврил федерал центр хIасаврай, регионаийсса уртактурал кумаг буллай бур (билайтрал музейрал цасса пространство сакин дуллай). Ва ххуллийсса цалчинмур регионнугу Дагьусттан хъанай бур.


Театрдал тарихрал музейрашал (Дагьусттаннал А. Тахо-Годил цIанийсса Национал музейрал филиал) хIадур дуллай бур Расул ХIамзатовлун юбилейран хасьсса выставка.

Дагьусттан Республикалул культуралул министр Зарема Буттаевал ва кIа музейрал элмулул ва методикалул отделданул каялувчи Тамара Бурлаковал дянив хьуссар цIусса экспозиция баврийн багьайсса ихтилат.

ХIакьинусса кьини экспозиция сакин баврил даву дирну дур аьркинсса материал язи дугьаврийн (вайннувах дур шаэрнал произведенийрттайнуса театрдал постановкарттугу), мукума ххал бигьлай бур художествалул цу-цIусса пикрирду.

Выставкалий чIалацIи буну бикIантИссар жула республикалийсса 12-гу театрданул тарих. ЛяличИссара кьулагуьсарулу дикIантИссар М. Горькийл цIанийсса Оьруснал драматический театрданул юбилей.

Выставка тIитIин аьркинссар ва шинал октябрь зуруй.



Дагъустаннал луттирду итабакъай идаралул хИадур буну, вай гъантрай дуняллийн бувк-кунни Руслан Башаевлул юбилейран хас буну итабакълакьисса кИива томравасса цалчинмур – поэзиялмур. КИилчинмур том бикИантИий бур прозалул произведениерттая сакин бувсса.

Ва базилухсса «Илчилул» адабиятрал лажиндарай бишлай буру авторнал цалчинмур томрава язи бувгъусса цаппара асарду.

РУСЛАН БАШАЕВ

Жул Лакку улчай

Дагъустаннал дянив язисса улчай,
Ялугьисса яру вия къабуччай.
Шагьтал хИайран бувсса шагь Лакку улчай,
Вил тарихрал балай бюхттулну баяй.

Агь, Гъази-Гъумучий, Гъази-Гъумучий,
Гъазинал ца ларсъсса миллатрал байтах.
Агь, Гъази-Гъумучий, Гъази-Гъумучий,
Барзунттай бившусса эшкьилул байрахъ.

Чулахъ Сурхай-ханнал турлил биляят,
Шайх Жамалуттиннул даКинил шикаят,
Заннал язи бувгъу жул Лакку улчай,
Виха балай зунттай мурчалгу учай.

Агь, Гъази-Гъумучий, Гъази-Гъумучий,
Гъазинал ца ларсъсса миллатрал байтах.
Агь, Гъази-Гъумучий, Гъази-Гъумучий,
Барзунттай бившусса эшкьилул байрахъ.

Ххал шай ххяххабургьил мусивун щуну
Вил ххаллил Ващилу, вил бюхттул Щуну.
Мусил тарих бусса жул Лакку Ватан,
Жулгу мусил тавбар вих ччаву ядан.

Агь, Гъази-Гъумучий, Гъази-Гъумучий,
Гъазинал ца ларсъсса миллатрал байтах.
Агь, Гъази-Гъумучий, Гъази-Гъумучий,
Барзунттай бившусса эшкьилул байрахъ.

Ттул даКинил адав

Ттул абзисса Ватан, ттул даКинил адав,
Зал барар, вих ччаву на марцИну ядав.

На даякьин къаритав чувчIав вил лашин.
Жагъала хъун къадав вил хумар лажин.

Щукру, Заннал вия къаувсса махIрум.
Щукру, къакъувкъусса вийнсса тамахIру.

ЦIусса лу



Щукру гъалгъа тIисса вил абзвал мазрай,
Азардахъул шиннал манзиллу базлай.

Так абравххусса бур тти вил аманат.
БайкъаливтIусса бур ттуинсса шикаят.

Ццах бутлатисса дур ттул вихсса ччаву.
На ищун увсса дур гъарца вил шаву.

Лажинни, ттул Ватан, ттул даКинил дуаь,
Гуж була вихрасса ва ччаву духIан.

Маитав гъурбатрал на гъагъан уван.
Гъаргъ арцул щарашай шюша ттул иман.

ЧIалай бити мудан ттун вила яру,
Ттулвами лакьиннин абршарал ялув.

Лаллай бити мудан ттуин вила ссихIгу,
Ттулвамур бувккукун, бигьинсса ссихIну.

Вил хъачI-бакIай шайсса бюруврал тIутIив
Дуссаксса ттул хъирив мякьну кIутIу тIий,

КъакIутIу хъунтIиссар чIумул луххавун
Ттул чурххаву ина чивчусса ххару.

Ттул абзисса Ватан, ттул даКинил адав,
Зал барар, вих ччаву на марцИну ядав.

На даякьин къаритав чувчIав вил лашин,
Жагъала хъун къадав вил хумар лажин.

Агь, Дагъусттан биляят

Ххяххабургьил цIияллу,
Лагабургьил ларзурду
ЦIан хъхъу чаннал лиянну
Жан гъирарал ларсун дур.
Гъанну дур гъар аьш чIалай
Аьзиз буттал абршарай.

Агь, Дагъусттан биляят,
Барзунттал чирчу аят,
Чичлайнма бур вил тарих
Чаннал ва цIаннал дянийх.

Банавшалул вил арду,
Бизантту вил шугълурдал.
Бизанттайхгу ччамарду
Ччаврил нузручIируннал.
Я, жул ччаврил башарат,
Жуя махIрум машара!

Агь, Дагъусттан биляят,
Барзунттал чирчу аят,
Чичлайнма бур вил тарих
Чаннал ва цIаннал дянийх.

ЧаннацIурттисса чартту
Вил хъачIунттай даКIалай...
Жу ттигу къаучарду
Виха язисса балай.
Жу ттигу къабусарду
Вил циняв бусаларду.

Агь, Дагъусттан биляят,
Барзунттал чирчу аят,
Чичлайнма бур вил тарих
Чаннал ва цIаннал дянийх.

ДаКI даКъасса дя

Ттул ппу уссар увччуну
Шяраву.
Нину дуссар дурччуну
Шагърулий.

ДяликIув ттул даКI дуссар,
Дан-дитанмуних луглай.

Илданул рухIгу дуссар
Ттул ссихIирах ялугълай.

ДаКI дитира цурдалу

КъабивкIмур дяхтта чIалай
ЧIявуну хъхъунил тIитIай.
Гъаргъарцул хъхъем ккур учай
ЛухIисса хъункIултIутIай.

Так бацIира, къабивкIун,
Жергъ увкусса цIуртталу.
Акълу цуппа къабивтун,
ДаКI дитира цурдалу.

ДаКI дитира батIулну
Дарихсса пикрирдая:
Цурда хъянгу, абтIунгу
Дитира зикрирдаву.

Дитира даКIний даслан
Ссавнил ссигъал-накьичру,
Ца-цаних тIий лаласлан
Заннал хатIлийсса чичру.

Лавхъукун ДаКIнил ттурши,
ЛещантIиссар хIасиллу.
ЛичIантIиссар вил кIулши
КIулмунича аьсивну.

КIулмунича къакIулмур
ХIат дакъа хъун хъунтIиссар,
Инсаннал мазрай кумур
Куклуну чIалантIиссар.

КъадучIантIиссар цичIав
Жунна ччинийн, къаччинийн,
Лирккун тIий гъарца хIисав
Ссавнияту лухччинийн.

Нур дизлазисса инсан

Щюлли къурнил дазуву,
Ягу гъинтнил бизантту,
ХIасул шайривкъай зуву
ХIучI хIаласса хIисавртту?

Микку бакъайсса наша
Бухъунсар бурж ялувсса,
Яла бюхттулмур маша –
Оь-хъиншиврул дянивсса.

Му машайгу Ххув Заннал
Духъунсар дуккан дурну
Иблисрал ва Инсаннал
Исватшиврул дазурду.

Щюлли кувсасай чул буван
Вин нясив бувсса лахIза –
Му дур щукрулул лишан,
МакIлил ва кIихIлил ляхсса.

Агъну ура урттувун:
Ливккун бур чарив ихIсан.
ЧантI увкуну ур ттуву
Ттуна къакIулсса инсан.

Га ур циваннив ттуцIун
Акълай, акьин къахъанай,
Итталу бур ттукуцIу,
Щюлли нурданун лахълай.





БувчЛай акъар га ттул хІал.
Я бувчІнгу ччай акъар.
Га ттинин ттушал архІал
Занай къаивкІсса хханссар.

Яру бур ганал марцІсса,
МарцІурттул лама шусса,
Ламмамнал ца къабавсса,
Лавмартнал я къавшусса.

Агъну ура урттувун:
Ливккун бур чарив ихІсан.
Загъир хъуну ур ттуву
Нур дизлазисса инсан.

Ттуйну бухлавгсса тарих

Ца бур бусан, къабусан:
ТтарацІалу, къамузан.
ТтарацІувгу къалмул ччар,
Хъузала дакІнил ччамар.

Нурша, ницру – машаллагъ,
Ца къини – ца шинал лагъ.
Хъудугъул канил захІмат,
Хъунил ва ссавнил рахІмат.

Аглан машара, ачу,
Ницал хъирив лечлачу,
Ца хутІала буччиннин
Лагма дуккан да ччинну.

Гъазалт, кІусу, гъалакІу:
ДяттарацІ кІива бакІу –
Зурдардил бакІлахъия.
Зурул зурзу лахъния...

Гъасу, хІукъу, маркІачІан,
ЦІухъахъи пар марцІлачІал.
МарцІних ливчусса къама,
Хъамиттуршилуд лама.

Хъузала, ницру, ччинну:
Циксса хъухъунссар шинну
Ва камилсса суратран,
ЗахІматрал караматран.

Ванил мйіжаншивруву
Дуссар ттул оърчІшивугу.
Духларгсса ва суратрал
ЛивчІссар ттуву ссакарат.

Ва тарих, ттуйнгу бивну,
Гъан багъарча тти ливну –
Му Заннаясса аьшрив,
Аввал-абадул бястрив?

Чивисса талихІ

КІинтил хъхъуну пачкъатлуву
ппугу, нагу – жувалу...

Ца хІаллава нуз тІиртІунни,
дурххунни шардайн бава –

Чанна лавхъсса яруннишал,
къири дякІил хІахІлишал.

Дурххунни жул ялун бава,
малаикнал ххют кунна,

Дахъва оьлил бувсса бярчгу
лахъну карах бувгъуну...

Ттунма хъу учин гъарча

Лагабургъил чанналу
Чан хъуну дур ларзурду,
БачІва бивзсса ччанналу –
Жегъир ххуллул базурду.

Цан лавгун бур лухччиний
Ххуллурдал кІяла шару:
Бияйссарив ттун ччинийн
Вай ттул ахІмакъсса ххару?

Бур аьжаивну кІусса,
Щалихханнин шай-шай тІий,



Мурчан магъар бивхъусса
Щюлли шавшилуд шатІив...

Тана шябивкІун такну
Зунттал душ суннил хъачІрай:
Духъунссар танил дакІгу
Дунияллушал ччалай.

Дурургун дур хІалларав
Танил хІал кІюла хъачІру, –
Мурчайн бувккун буривав
Мурадран булай ташу?

Сукку бунни ттул къанча
Сунух бившусса мурчал:
Ттунма хъу учин гъарча,
Ци чайвав танил мурччал?..

Лавкъунни ичІунмай хІухчалтрал хъами

Лавгунни Лаккуя
Ятту ялавай.

Дагъунни зунттайнгу
Ца гъапулшиву.

Дуркъунни инттунин
Буттукъирттавун

ХІухчалтрал хъаннилгу
Хъахъи лачакру.

ЗертІ кунни жул дарваза

Щан лавгсса къатлуву ца аьжаивну
Чанна дурккунни

Буттал шаттирал чІу гихава бавсса
Ттул ниттил симан.

Чивисса сонет

Арив ина бияв
Къюнуки батІлай.
Уруглай уссияв,
Яру къабатІлай.

«Къаччав къюнуки?» –
Ца чаннал тІимуну,
ТтучІан ка тІиртІуну,
Ина куна, хъай.

Агъ, кІива хумарсса,
Къюнукив кунмасса,
Вил яру ция?

«Къюнукул къункъаву,
Ина ттул мукъаву
Бура», – куссия.



Адабиятрал
лажсин

КІива мусил баргъ

ЛичІисса къисматрах акъара луглай,
Хъурдайгу къачара муси гъарзану.
Ттун кІива мусил баргъ кІюрххицІун буккай:
Ца – зунттул хъачІраха, ца – зул ларзула.

Мурадрай учай ттухъ, хъус дан бюхъарча,
Му мурадлайн иян хъурдай къачара.
Арадан хатІалий ина ккаккарча,
Арулвагу мурад буллуни чара.

Вин ччисса мусирив, агъ, ттул мусил лагъ?..
Мусил шингу дурккун гъилисса сунух,
МаркІачІанмай лагай кІива лагабаргъ:
Ца – зунттул хъачІрахун, ца – зул ларзулун.

НякІунна

ДакІний бузив, лавгссияв
Жува някІунна дуван.
Гъанну тІий бакъассияв,
Лавгссияв ссаллив оьван.

НякІну чаннасса дия
Ссавгу даралуд ялув.
Ссавнишал ччалай бия
Вил някІуннарал яру.

НякІ-талатисса дия
Вил хъачІунттай каршигу.
Агъ, къалиххайсса ция
Вихсса мякъгу, ккашигу.

Дунил дурччуну дия
Бургъил ва гъарал лухччив.
НякІуннараву дия
Оьталати вил мурччив.

Бивзун най бия някІну
ХІаллил гъава лухччая.
ХІачІлай уссияв нагу
НякІунна вил мурччая.

Буттал улча, ттух луглай,
Бур тІар мякъну ялугълай,
Къакъавай, щюлли шавай,
На зана хъуннин шавай.

Ссулиа щютІуххи

Агъ, бившунни щютІуххи
Бюхттул барзунттай ссулил,
Ттул дакІния лелуххи
Гъаз хъунни ссавнийн цІунил.

Аьзизри ттун аьтара
Сундараллил ратІувсса,
Ттул аьзиз улклул дара
Хъюлчай-хъювхъутІи дурсса.

Ттулли вай бизанттугу
Банавшалун хъунмасса,
Лакрал чІиви аьнттуву
Инил къясру кунмасса.

Нажагъ суннил хъаттирай
Лякърча къюкІ ччурччуну.
Лажинни, къадитира
Къасса бакІуй дурччуну.

БищунтІиссар бизанттай
Зунттал ссулил каманча –
Хъя чинтІиссар ттул гъаттай
Башаратрал банавша.



Фотосуратирттайнусса жула тарих

Ттул ЧИари




Захіматрал фронтрал ветерантал



ЧIарттал жяматрал хIурматлуvсса арсру

Хъарас щилащисса кьини. 1977 ш.



ХъхьчIазаманнул кьатри




КIундиннал школалул учительтал



XI.-XI. Жамалуттинов



Хъурдуккавил байран. Хъунхъузала Хиусман-Хлажи. 2023 ш.



М. Махлammaдов



O. Исмяилов



Аьрай ливтлуминнансса гъайкал



ЧIарттал чIарасса ник



O. Махладов



XI. Батиров



Хъатлуйнсса хIадуршин



M. Ссамадов




XI. Аьлиев



J. Махлammaдов



XI.XI. ХIажимаев цала кулпатрацал



ЦIувцIучарил бусала



ДуххIатталлил кIалабарз

Имара САИДОВА

Ккуллал райондалия

Адаврай бувтсса оьрму

Июльданул 21-ний Ваччав, бусравсса хьамалгу бавтГун, Та-рихрал ва краеведениеул музейрал чИрайн лархунни ва музейрал директорну ивкИсса Кубачанов Камалуттиннул аьпа абад буллалисса мрамрарчил ула.



Мрамрарчил ула тИртГуна ва ххаллилсса даврил сиптачи Шихали Шихалиевлул ва Шамил Рамазановлул



малуттин сахаватлувсса хасият ва ларайсса культура дусса, интеллигентныйсса, гьарца давриву кьянкьасса низамгу, тIалавшиннарду дусса, тIайласса хIукмурдугу бан кIулсса ххаллилсса адамина икIайва. Ванал аькыллсса буттачан, Хьун МахIаммадчан, кунма, КамалуттиннучIангу бучIайва маслихIат ккаккан ччисса чIявусса инсангал. Ва ия цинявннан гьарцагу чулуха эбратрансса инсан.

Камалуттиннул хьунмасса бутIа бивхьуссар музейрал даву хьхьичIуннай давривугу. Райондалий цува зузисса кьуллугьирттайгу хIурмат буну ивкИссар. АрхIал зий бивкIминнал ванал цIа бусраврай ва хIурматрай дакъа кIицI кьалагай. Цумур бухьурчангу музейрал аьч буллалиссар ва ябуллалиссар жула тарих. Жула райондалул тарих ябаву ва буруччаву мурадрайгу Кубачановлул биялсса захIмат бивхьуссар. Барчаллагьрай ура райондалул музейран ванал цIа дизансса,



Ккуллал райондалул Краеведениеул ва тарихрал музей тIивтIуну бур 2004 иинал июльданул 31-ний. Музейрал цалчинсса директорну ивкIун ур Шийишял шяравасса ХIажи ХIажиев. ХIакьину музейрал директорну ур ДР-лул муниципал кьуллугьрал лайкь хьусса зузала Тагьир Абакаров, гид-экскурсоводну – Шюьбанат АхIмадова. Тагьир Абакаровлул хIарачатрайн буну, цIана музейраву бур 1935 ииния ишиймайсса райондалул тарих аьч буллалисса ва хIакьинусса иширттай бусласисса авадансса хьова зал. Музейраву салкьки хьуну бур 3854 экспонат. Вайнуну бур республикалул музейрадув бакьасса нажгьассагу. Музейравусса вирттаварал, хьхьичIунсса инсантурал, шярваллал суратру дур гьунар бусса художник Сиражуттин Кьурбановлул дирхьусса. Ваналла дурну дур музейрал оформлениегу.

Райондалул Краеведениеул ва тарихрал музейрал даву лайкьсса даражалий душиву тасттикь хьанай бур хIакьину ишикун, республикалул районная, Аьрасатнал шагьурдая бакьассагу, дазул кьатIатусса туристIал занай буширрийнугу.

ванал аьпа абад бансса сипталуцал бувкминнайн, – увкуна Шамил Рамазановлул.

Ихтилат бунна райондалий хьанакьисса цумур-цагу мероприятиялий чIарав ацIайсса АьвдурахIман Адамовлул.

– Барчаллагьрай ура хIакьину шикку гьуртту хьун бувкИсса цинявпагу инсантурайн. Камалуттиннул уздансса хасиятирттая бусансса цикссагу буссар. Цана ттун дакIинийн багьунни ванал оьрмулувасса ца эпизод. Ца ппурттуву Камалуттин ия Хьусрахьхьун увкIун. Аьпа баннав, ттул ниттил, Муьминатлул, увкуна, Камалуттиннуйн овьчин багьлай бур куну. Камалуттин му чIумал уссия Халкьуннал контролданул комитетрал председателну. Бувсуна кумаг бан аьркиншиву колхозрава цирив итакьадакьлай азурда бувсса доярка хьан. УвкIун, шьяивкIуна Камалуттин, цала кушцуй, шляпалуву. Ниттил, цила зумувну, шляпагу ликка куну (кьянкьа-кьурчIисса хасият дусса дикIайва), бувсуна хIалкьазия. Камалуттин, урганна, ххал банна тIий, цала кушцуй, анаваргу кьауклай, жаваб дуллан ивкIуна. «Ина халкьуннал ялув ивтсса контроль аькарав, данна-хьунна кьатIий, ца мукуьйну кьянкьану жаваб дула ттухьхьун», – увкуна ниттил. Кьаччан кьабивкIун, пиш-пишгу тIий, буттарсей, дузал банна масьала увкуна Камалуттиннул.

Ва ттул маччачувгур. Шикку инсантурал хьхьичI цIарду дуллан ччай аькара. Ва ия кьуллугьрал буржру хьхьичIун лавьсса зузала, бунияласса интеллигент, – увкуна АьвдурахIман Адамовлул.

Ихтилатру бунна МахIаммад Оьмаровлулгу, Тагьир Абакаровлулгу.

– Ттунма тIайлабацIу хьушиврун ккалли бара укун лавийсса яхI-намус бусса адаминашал дусну, маслихIат ккаклай, ваяна даву лахьлай ивкIун тIий. Райондалий ва цинявннан эбратрансса ххаллилсса адамина икIайва. Ванал буттагу, аьпа баннав, Хьун МахIаммадагу, вайми уссурвалгу (Мямма, СалахIуттин) хIурматкьыматрайсса арамантал бикIайва, – увкуна МахIаммад Оьмаровлул.

Хьирив ихтилат бунна Камалуттиннул дус Кьурбанзабиуллагь Оьмаевлул.

– Камалуттиннул уздансса хасиятрая бусларчан луттирдува чичин бюханссия. Давривугу итхьявхсса, гьарица иширавугу марцIсса кьаивкIссания, ваян райондалий жавабувсса кьуллугьру вихшала кьабуванссия. Камалуттин ттун чIивинияцIава кIулссия, хIалашиву дуссия. Ва икIайва цала цува увгьусса, анавар кьауккайсса инсан, тачIав сси бивзун, инсантурашал рагьну квавкун аькара. Цимилгу хьуссара ванал дуллалисса Халкьуннал контролданул комитетрал заседаниярттай. Шикку дайсса замечаниерттугу пиш-пишгу тIий дайва. Ванал ппу Хьун МахIаммадагу инсантуран бусравсса адамина уссия. Вагума Камалуттиннух, цукун барча хьина тIий, цIухлан икIайва. Хьирив нанисса ирсирангу эбратрансса оьрму бувтссар Камалуттин Кубачановлул, – увкуна Кьурбанзабиуллагь Оьмаевлул.

Ахирданий, мероприятие лайкьну сакин дан ва тIайла дуккан гьуртту хьусса цинявннахь барчаллагь увкуна Шихали Шихалиевлул.

Жижара

**СУЛАЙМАННУЛ АРС АБАЧАРАЕВ ЖАМАЛ**

Июльданул 20-нний оьрмулдул 35 шинаву жуятува личи хьунни жагылсса лаккучув, Хьурттал ва Хьурукуннал шяраваллаваасса Сулайманнул ва Загыдатлул арс Абачараев Жамал.

Украиннай хасьсса операциялий гьуртту хьусса чув, жагылсса кулпатту, арсту, нинуту, усугу, ссурвалгу аьтгий кьабивтун, ахиратрал хьунни.

Жамал аьпалул шаврил кьурчйишиву кидачлай, жижара буллаи буру нитгихь Загыдатлухь, уссихь Бахтиярдухь, ссурваврахь Миясатлухь, Залмухь ва махьсса цинявпагу гьан-маччанахь.

Рухи хьинний дишиннав, алжаннул ххари аннав, махьнал оьрмурдай барачат бишиннав.

Хьурттал ва Хьурукуннал жяматру

**ЯХИЯНАЛ АРС МАХИМУДОВ МУСА**

Вай гьантрай, оьрмулия шалихханнин кьаивтун, дунияллия лавгунни Бархьаллал шяравалла ххаллилсса агьлу-авладрал, хьинсса буттал Яхиянал арс Муса Махимудов.

Увну ур Муса 1956-ку шинал мартрал 1-нний Бархьаллал шяраву. Зий ивкун ур личи-личисса давурттай.

1996-ку шиная айивхьуну, 2007-ку шинай иянин Муса усия Бархьаллал шяраваллил администратиялул бакчину.

Ва ия бюхь-хьит бусса, даврил иш-тагьар килусса, гьунар бусса каялувчи, хьинсса дус ва аякьа дусса маччачув. Ия, цала бутта куна, аьчухьсса, хлал бавкьусса, чумартсса, иш багьний жяматрал чларав ацан, кумаг бан хладурсса инсан. Ванал хурмат хьунмасса бия райондалийгу, шяраваллил жяматрачлагу. Хьамал ххирасса Мусал ужагьрай тачлав чан кьашайва бухху-букку.

Муса аьпалухьхьун лагаврил кьурчйишиву кидачлай, жижара буллаи буру кулпатрахь, оьрчлахь, уссурваврахь, ссихь, махьсса циняв гьан-маччанахь. Рухи хьинний дишиннав, Алжаннул ххари аннав. Махьсса цинявннал оьрмурдай барачат бишиннав.

Бархьаллал жямат

Адриана АБДУЛЛАЕВА

Махаммад увну ур 1988 шинал сентябрьданул 16-нний Хасаврай. 2005-ку шинал лавайсса кьиматирттай кьуртал бувну бур Хасавюртуллул 5-мур школа. Школалай дуклакисса чумала ва каруннай бияврил спортрахун агьну ивкун ур. 2007 шинал Махаммад лавгун ур абралуннаву кьуллугь бан. Кьуллугь буллаи ивкун ур Ленинградлул областрайсса Волхов тисса шагьрулий. 2008 шинал ва увхун ур Томскаллал Абралуннал ва медициналул институтравун, фельдшертал шайсса факультетрайн. Каруннай бияврил спорт ванал институтраву дуклакинийгу кьакьабивтун бур.

2011 шинал Ятул дипломрай, хьунама лейтенантнал чиндалува, кьуртал бувну бур институт. Вара шинал, институтрава гьан увну, Солнечногорск шагьрулийсса абралий частьравун увкун ур. Шикку Махаммад, капитаннал чингу дуллуну, медициналул пунктрал хьунаману

Аьпалул махь

Кьучагьнал кунна жан дуллунни

Хасьсса абралий операция нанисса кланттурдай Ватадалул дуллаи бур жула абралитал. Хлал, кьуллугьрал бурж бартбигьлай чйавуссанна жагылсса оьрмулий жан дулун кьисмат хьунни. Оьрмулдул 35 шинаву кьучагьшиврий жан дуллунни Гьуйннал шяравасса Умардул арс Махаммад Кьурбановул.



Махаммад Кьурбанов

ивтун ур. 2016 шинал ва увхун ур Санкт-Петербургливсса Кировлул цанийсса Абралуннал ва медициналул академиялувун, аьмсса ва абралуннал эпидемиологиялул кафедралайн.

2022 шинал лавайсса кьиматирттай кьуртал бувну бур академия. Ларсун дур майорнал чин. Мичча Махаммад тлайла увкун ур Наро-Фоминск шагьрулийн, Кантемировлул танкардал дивизиялувун, миччагу августрай – хасьсса абралий операциялий гьуртту хьун. Сентябрьданый шавурду дирсса абралитал ххассал буллалисса операциялува, бита-

вурттахьхьун иривну, жан дуллуну дур. 2022 шинал сентябрьданул 24-нний шинай Махаммад ятлар бакьа акьахьшиврун ккаллину ивкун ур.

Махь килу хьуну бур ванал бакларчан бувкмур. 2023 шинал апрельданул 27-нний ва увчуну ур Махачкьалалай. Махаммадлул дуллуну дур Кьучагьшиврул орден (аьпалул хьуну махь).

Махаммадлул махь ливчунни нину-тпу, кулпат, шанма мюршисса оьрч: 9 шинавусса арс, 7 ва 4 шиннавусса душру.

Хлал, цимилагу хлал.

Укун итхьяхьсса, сивсусса, яхл бусса жагылнал паракьатсса оьрмулий цикссагу хьхьичуннайшивуртту, мюнпатсса давуртту данссия, цими-гу шачлани лахьанссия. Кьакьисмат хьунни. Чичру укунсса духьунссия, ччяни лавгунни дунияллия.

Ухсавнил дяввилул яла агьамур ва кьизгьинмур талатавуну хьуссар Полтава шагьрулул цанийсса талатаву. Ва хьуссар 1709-ку шинал июль зурул 8-нний. Данди бавцуну бивкиссар Петр I-нал каялувшиннаралусса оьруснал аьрал ва Карл XII-нал каялувшиннаралусса шведнал аьрал. Петр I-нал, пашава Ливониягу зевххуну, Санкт-Петербург шагьрулул гьану бизайхту, Карл XII пикри хьуссар, Дянивсса Аьрасатнайн гьужум бувну, Москва каннин ласун.

Украиннавухчин Москвалив абралуннашл нанисса шведнал паччахьан дахшишру дурссар гьава кьабавкьусса шартлардал. Шведнал аьрал Полтава шагьрулулчлан гьан хьусса чумал Карл, цувагу шаву дирну, чйавусса абралитуралчагу хьуну ивкиссар. Кьинттулуха мунайн гьужум бувсар кьазахьнал ва кьалмуькьнал. Май зурул 11-нний Аьрасатнал аьршарайн бувхьсса шведнал абралуннан Полтава шагьрулул вив ласун ччан бивкиссар. Амма полковник А. Келиннул каялувшиннаралусса 4200 саллатиная ва ярагь кунттил бувгьусса 2600 шагьрулул агьалиная хьусса гарнизондалул ми байшун бувсар. Май зурул ахирданый Полтава шагьрулулчлан бивсар Петр I бакчисса оьруснал абралуннал агьамми гужру. Ми бавцуссар шагьрулул тия чулийсса Ворскла неххал зуманив. Июль зурул 8-нний бавтисса абралий советрай Петр I хукму хьуссар гужьсса талатаву дан. Мура кьини оьруснал абралуннал хьхьичунсса кьюкьлул, Ворскла нехху лархьун, Петровка шяравалличла ликказан дурссар ва мунайну шала аьрал лахьансса сант руртсар.

Полтава шагьрулулчласса та-

Аьрасатнал абралий тарихрава

латавриву оьруснал абралуннал, шведнал абралу ххит бувну, ххувшаву ларьсар. Шведнал паччахь Мазеппашал архлал Хусманнул империялийн ливхьсар.

Ва ххувшаврил Аьрасатнал иш хьхьичунмай бачин бувсар. Европа цала канилу бугьансса Швециянал биляатрал хиялангу ахир дирхьуссар.

Апрель зуруя июль зуруйн бияннин шведнал кьуйла гьужум бувсар Полтава шагьрулийн. Ми талатавурттаву шведнал аьрал 6 азара инсаннацла хьуссар. Полтавалийсса ххувшаву хьуну дур Петрдун заманнайсса дявирдал яла яргмур ххувшаву. Ва ххувшаву ларсун махь Петрдун дуллуну дур Цалчинма генерал-лейтенантнал чин. Полтава шагьрулулчласса талатаву хьуну 25 шин барларгьсса чумал дацан дурну диркиссар Петергофрай асланнул кьацл хьабуклакисса Самсоннул гьайкал. Асланнуьну гьайкалданул авторнал ккаккан бувсар Швециянал биляат.

Полтава шагьрулулчласса ххувшаву хьхьичлра-хьхьичл лахьахьуну килл ларгьсар 1909-ку шинал, ва ххувшаву ларсун 200 шин хьанахьсса чумал. Итадаркьуну диркиссар ва иширан хасьсса медаллугу. Талатаву хьусса кланай бувсар музей-заповедник, дацан дурссар цаппара гьайкалу. 1981 шинал Полтаванал майдан тарихрал ва культурулул заповедникран ккалли бувсар. 1995-ку шиная шихуннай ва Аьрасатнал абралуннал савлугьрал кьинилун ккалли дуллан бивкиссар.

● 1943 шинал июль зурул 12-нний Прохоровка станциялулчла хьуну дур Дунияллул килчинмур

дяввилул ца яла гужмур, яла кьизгьинмур танкардал талатаву. Совет абралуннал танкардал цацуншивурттай каялувшиву дуллаи ивкун ур генерал-лейтенант Павел Ротмистров, немецналми танкардал – группенфюрер СС Пауль Хауссер. Кьизгьинсса талатавуртту лахь ларгун дур 7 гьанглий. Талай бивкун бур жандалия ка гьаз дурну. Царал ччурччуну най диркун дур аьрши-чару. Бусласаврийн бувну, Прохоровкалулчласса талатавриву ливтлусса совет абралитал, ка хьирив кьалаллай, шинал лажиндарай бучлай бивкун бур. Мукьра шинай вай талатавуртту хьусса кланттурдай чичлар кьахьрххун дур.

Ва талатаврийн Гитлер хладур хьанай ивкун ур 3 зуруй. «Цитадель» тисса Гитлердул пландалийн бувну, Вермахтлул абралуннал гужьсса ришаву дан аьркинну диркун дур кьиблалул ва ухсавнил чулуха.

Немецнал абралуннахь бивкун бур гужьсса ярагь. Немецнал «Тигр» танкарду гьарица чулуха жула Т-34 танкардаяр цлакьсса диркун дур. Фюрер муклруну ивкун ур цала ххувшаврий. Амма мунал хлсавравун кьаларсун дур совет абралуннал кьучагьшиву.

Ацния мукьра сьятрал дянив Прохоровкалулчла жан дуллуну дур 10 азаруннийн бивсса саллатинал, ппив хьуну дур 70% бронетехникалул. Ва талатавриву совет абралуннаша гьужум бан кьахьурчагу, миннал Гитлердул абралуннан Курск шагьрулийнсса ххулул кьувкьуну бур.

Прохоровкалулчласса талатаврий гьан дурну дур «Цитадель»

операциялул ахир. Ва кьининия тихунмай совет абрал махьунмай кьавхьуну бур.

● 1944 шинал июль зурул 13-нний совет абралуннал мурахас бувсар Вильнюс немецнал чапхунчитураша. Вильнюс шагьру тархьан буллалисса талатавурттаву бат увну ивкиссар 8 азара ва ясир увну ивкиссар 5 азара немецнал саллатина ва хлписартал. Гитлердул аьрал баранбал бувкун талай бивкиссар Вильнюс каниша итхьяххан кьабитан, амма миннаша кьабювхьуссар шагьру буроччин.

● 1770 шинал июль зурул 18-нний Лорга неххайла Петр Румянцевлул каялувшиндаралусса оьруснал аьрал ххув хьуссар килий ххисшаласса гуж бусса туркнал абралуннаяр.

П. Румянцевлул абралуннал ххит бувсар Кьаплан-Гарайл каялувшиндаралусса Хусманнул аьрал. Аьрасатнал биляатран ва хьуннасса агьамшиву дусса ххувшаву хьуссар.

Ва ххувшаву ларсун тий Румянцевлул дуллуну диркиссар 1-мур даражалул Святой Георгийл орден.

● 1240 шинал июль зурул 23-нний Нева неххайсса талатавриву кинияз Александр Ярославичлул каялувшиндаралусса аьрал ххув хьуссар шведнал абралуннаяр. Ва талатавриву ккаккан дурсса кьучагьшиврухлу Ярославичлуин Александр Невский тлун бивкиссар.

Хладур бувссар А. АБДУЛЛАЕВАЛ

Ххяххияртту дуруччаву мурадрай

Имара САИДОВА

Ялув килл лавгьсса шагьрулдал бакчитурайн тапшур бунни ххяххияртту анаварсса мутгалий заралсса чимучлалтраша ххасал даву мурадрайсса чаранну кьамул бан.

2014 шинал июльданул 21-нний кьамул дурсса № 206-ФЗ

Фитосанитариялул ялув бацлайсса Россельхознадзорданул Управлениелул зулалтрал аьлтту бунни Дарбант ва Дагьусттаннал Огни шагьрулдайсса паркирдавун ва сквердавун багьну бушиву ххяххиярттан зарал биян байсса кляла чимучлалт (американский АББ).

«О карантине растений» тисса закондалий бур вай ххяххияртту ххассал дансса ххулул-чаранная бувсун.

Управлениелул баян буллаи бур АББ-лул ххяххияртту мархлуцлакул литлун дайшиву. Килл лавгьсса зиянчитал хьин-

нува гьалак буккайсса бур инттухунмай ва гьинттул.

Мунияту, инсантурахь тавакью буллаи бур, нажагь хлсав хьурчан мукунсса лишанну дусса ххяххияртту дусса кланттурду, баян буван Махачкьалалив Титовлул цанийсса кичиравусса Россельхознадзорданул 3-мур управлениелин, ягу rshn40@fsvps.gov.ru электрон адресрай чичин.

Лакрал халкъуннал учаларттава

Цуксса ка кIутIу тIурчангу, кIисри зикъазайссар.

Цуркул къабакIравату ттугъ бивзун най бур.

Цуццул дунугу, ялув магъи хъинссар.

Шукул увкунийхри гадлулгу тIанкI учайсса.

Цурдалу ца канища ххалаххухун ххал дучIан къашайссар.

Ца ранг чанну ссурулкурттагу дузал къашайссар.

Ца авъ нувицул кIаланг зия дайссар.

Цинявннан цачIусса кIункIур микIурайгу щаран бикIайссар.

Цупталусса бярацIух цIугу къалачIайссар, цувалу инсаннангу ялапар хъун захIматссар.

Циникъ ва бюрни тачIав архIал къабачайссар.

Шукул ва бурицIил тачIав дусииву къадикIайссар.

Ччаву дакъанийх бивкIуллул марч бицайссар.

Чакъал бакъасса вацIагу, бур-бакъар къашайсса кулпатгу къабикIайссар.



«Илчи» – маслихIатчи Цуллу-сагъшивруцIунсса маслихIатру

Жунма кIулли чурххан марцIсса щинаяр мюнпат хъунмасса цамур хIачIия дакъашиву ва гъантлун чара бакъа 1,5-2 литра марцIсса щинал хIачIан аьркиншиву. Амма чIявуминнал пикривагу къабувайнукар? цалла каруннивун дагъаннин щинащалсса пластикрал шушлул бивтесса ххуллул, ва ядуллай бивкIсса кIанттул ва шартIирдал ялув. ХIисав ласира: шагърудул ттучаннаву дикIу, базардаву дикIу, щинал шушри дуссар кIюрххилния ахтакъуннин тIайланма, пIякъ бивкIун бурувгсса бургъилу дахлай. Бургъилу гъили (кIири) ларгсса пластикрава щинавун наниссар цуллу-сагъшиврун хъинну заралсса бисфенол тIисса зат. Пластикраясса зарал аьмну шалла планеталун кунма къачIивиссар таксса инсаннангу.

нан бикIайссар.

Альимтурал дуллалисса хъиривляявурттайн бивну, щиная щинайн ххи хъанай дур пластикравасса щинаясса заралданул баращиннарду. Гъили ларгсса пластикрава дуклакисса бисфе-



Гъили ларгсса пластикрал шушлувасса щин загъруссар



Пластик инсаннал (шяравуминналгу, шагърулийминналгу) оьрмулул ца букъацай бутIану хъуну дур: жува шаттирахун машин ласлай буру щинащалсса, сокращалсса пластикрал шуша даврийн, дарсирдайн, спортзалданувун, ччимур аьрххилий наниний, хIарчIун щингу, шушагу палцI дуллай буру муркъилийн, ванийну жулла организмалунгу, лагма-ялттусса тIабиаьтрангу хъунмасса зарал биян буллай. Шардагу, идарарттайгу щин хIачIлай буру мура пластикрава – кулердава.

Пластикрава щинавун дагълагъисса бисфенол А ва бисфенол S затирттал эндокринная системалул даву цила нирхирарава дуккан дувайссар, инсаннавусса (кIулсса ва къакIулсса) азарду оьдикIан дувайссар, ванийн къадиркIми сукку дуван бюхъайссар. Оьттувун дагъну, вай затирттал муксса оьккисса асар биян бувайсса бур нярайн ва иммунный системалийн – вай дахханашивуртту хIатта хъирив нанисса никирттайнгу диян бюхъайсса дур.

нол сававну оьттул давление лахъ шайсса дур, къюкIлил ва сосудирттал къашайшивуртту сукку шайсса дур, оьтту букъва хъанай, инсульт шавриясса нигъгу ххишала шайсса дур.

Хъунмасса зарал бусса бур чIяруну ишла дуллалисса пластикрал шушраягу. Ялун бурувгун къачIалачIисса, амма пластикрай чIярусса мюршсса ххарцирдаву бактерияртту салкъи хъанан бикIайсса бур.

Гихунмайгу буссар

Бисфенол сававну хIатта лякълуву оьрчIума къахъа-

ХIадур бувссар
Бадрижамал АБЛИЕВАЛ

ЧIунлахъиялун

КIяламиннул 2 ходрай мат дихълай бур.



1...f2 2.Kg4
1.Ih8f2 2.Kp5
xfg2 2.Kp5

МАХIАЧКЪАЛА

Ит	Ттл	Ар	Хм	Нж	Ххл	Ал
31	1 авг	2	3	4	5	6
ДЯРКЪУ-ГЪИЛИШИВУ (°C)						
+27	+28	+28	+29	+30	+31	+31
+21	+22	+21	+23	+23	+23	+23
МАРЧ (м/с)						
6	7	6	4	4	3	6
ГЪАРАЛ(мм)						
0	0	0	0	0	0	0

Гъавалул тагъар

Ит	Ттл	Ар	Хм	Нж	Ххл	Ал
31	1 авг	2	3	4	5	6
ДЯРКЪУ-ГЪИЛИШИВУ (°C)						
+27	+28	+28	+29	+30	+31	+31
+21	+22	+21	+23	+23	+23	+23
МАРЧ (м/с)						
6	7	6	4	4	3	6
ГЪАРАЛ(мм)						
0	0	0	0	0	0	0

ГЪМУЧИ



Газета «Илчи» (Вестник)

Учредитель:
Агентство информации и печати
Республики Дагестан

Хъунама редактор:
Къардашов Р. Аь.
Тел. 65-00-07

Башаев Р.М. Тел. 65-03-12
хъунама редакторнал хъиривма

Редколлегия:
Адамов АбдурахIман
МахIаммадович
Аьлиев ХIажI Сулайманович
Исрапилов Артур Анварович
КъурбанмахIаммадов Чанкура
Рамазанович
Маммаев Сулайман
Нураттинович
МахIаммадов Юсуп ХIамидович
Хапалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарова Роза ХIажиевна

Отделал редакторгал:
Аьбдуллаева А. П.
Аьдилов ХI. А.
Рамазанова П. ХI.
Тахакъаева З. К.

Корреспондентъгал:
АьбдурахIманова З. Т.
Аьлиева Б. Д.
Саидова И. А.

Корректор:
АхIамдова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макъаларттаву
кIинцI лавгмур тIайлашиврул жаваб
дулайссар чивчуманал.
Редакция макъалалул залуннал
пикрилий рязину бакъахъурчагу,
макъала ришайссар, жяматрал
цаламур пикри бусанссар тIисса
ниятрай. Кказитрайн дуркIсса
макъаларттайн рецензия къачи-
чайссар ва ми залуннахъхъун зана
къадачайссар.

Кказит буккачайссар нюжмардий цал.
Шинай итабакъайссар 52 номер.

Кказитрал индекс. П7046
Тираж – 2000 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail. ilchi@rambler.ru
http://ilchi.info
Тел./факс. 65-00-07

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.

Цена свободная



4 651116 280051